

## **Mepepelime ma Bulu a tyo ya Aza a Roma**

### *Ucuduwu wa aatagada a nda*

Bulu dana ta mepepelime ma nda a tyo aza e Itoni a Roma. A mantsa ma na Bulu danai aatagada a nda koto shi u bura Roma shi. Roma lyuci gbain da danai, waru ngono n na e deyi Kaisa a yuwan ta tsugono pe. Lyuci'i u dana ta na aza o urevu abunda pe. Bulu dana ta nu ugbozu adama u cuduwa ili i na Kristi Zamawawa yuwain atsuma e ifobi ya Asula a tyo o uvadi.

Bulu fara ta roco cine vuma suru oo o'wo za vu unusu e ekere a Asula, adama o ndolo a da za suru o'woi wukasu na Asula. Vuma aa gura dana ushiwun shi, amma Yesu tu ushiwun. Ana u kuwai kucci da wo o'woi o una wa ama suru, waru Asula a ca ta za suru na usuyi Yesu Kristi ucira u kucci'i.

Atsuma a aatagada a nda, aza e Itoni e te reve lon cine Yesu yuwain abajini o ulinga adama u wawa le. E te isawan ugbamu atsuma o ucawu wo okolo e le adama a na a gura reve mejege cine Asula ee inda le. Urevu u nda u ta zuwa a yuwan wuma mejege, waru u ta kamba le a damma ozo o ro adama e Yesu na cine waa wawa le fo.

### *Ili i na iri pe atsuma a aatagada a nda*

1. Bulu ni ikaka ya Aalabari a Sa'ani a yi (1:1-17)
2. Za suru ta nu unusu (1:18-3:20)
3. Ure u na Asula a ushishi ama (3:21-4:25)

4. Wuma u sa'avu adama a muwun ma Asula (5:1-8:39)
5. A te gba adama a ama a Isra'ila? (9:1-11:36)
6. Cine aa yuwan wuma u sa'avu wi icigi (12:1-15:13)
7. Ifobi ya Bulu ni icasu ya yi (15:14-16:27)

### *Ucuduwu*

<sup>1</sup> Amu Bulu da n danai mepepelime ma nda. Amu aagbashi e Yesu Kristi Zamawawa da. Asula a dangwa mu ta mo o'wo aajiya,† reve u lyungu mu n 'ya<sub>w</sub> n yuwan alajiya a Alabari a Sa'ani a yi.

<sup>2</sup> De nu ujimu, Asula a yuwan ta nzuwulai ma Alabari a Sa'ani a nda e ekere a amasula a yi, ununa a danai atsuma a Aatagada a Akiza.

<sup>3-4</sup> Alabari a Sa'ani'i u ta yuwusan adanshi adama a Mawun ma yi, Yesu† Kristi Zagbain tsu. A matsan yi ta vuma za na shi mawun ma tsukaya mo Mogono Dawuda.† Agba Ruhu na ri akiza roco ta nu ucira na Yesu Mawun ma Asula ma da, adama a na u 'ya<sub>s</sub>an niyi o ukwa.

<sup>5</sup> O ure wa Kristi Zamawawa da, Asula a ca numu ulinga u sa'ani wa aajiya. Ulinga u nda adama o rono ama e ida suru a usu avu a kuru da. N ta yuwusaan yi ulinga u nda.

<sup>6</sup> Adu fo i ta pe atsuma a ama a na Yesu Zamawawa dangwai.

<sup>7</sup> N ta danasaa du aza a na a ri atsuma a abajini a lyuci va Roma† mepepelime ma nda. Asula a ciga du ta avu waru u de du yo o'wo ama a akiza a yi.

Lyawa Asula Dada tsu na Yesu Zagbain Zamawawa ca du isa'ani na asuvu nden.

*Bulu yuwain avasa avu waru u godyo*

<sup>8</sup> Lyawa n fara damma n godyo ta Asula atsuma a ala e Yesu Zamawawa adama a du suru. N ta yuwusan ne adama a na ama a ta yuwusan adanshi o ucawu wo okolo a du ubata suru.

<sup>9</sup> Asula e reve ta a na n lyawai a yuwusaan du avasa shi, n ta yuwusaan yi aganda no okolo a va suru waru n ta casu Alabari a Sa'ani adama a Mawun ma yi.

<sup>10</sup> Mantsa ma na maa yuwusan avasa biti, n tsu pati ta Asula u lyawa mu m bura du, waru u to o'wo ne na Asula a usu.

<sup>11</sup> N ciga ta me ene du, avu n ca du cu'un va aba'un a na Ruhu va Asula ca numu. U ta kamba du i kungwa nu ucira atsuma a Zagbain.

<sup>12</sup> N ta dansa n ciga ta tsu kambulai nu ucawu wo okolo a na tsu ri na ayi. Ucawu wo okolo a du u ta kamba mu, ucawu wo okolo a va waru u ta kamba du.

<sup>13</sup> N'utsa n va, n ciga du ta i reve na n tsu dana ta e ifobi i na maa bura du. Agba ili i ro i tsu gesheshe mu ta kuci. N ciga ta n zuwa ama a kuru Zamawawa atsuma a Roma, ununa n yuwain na akapi a Atakpaci.

<sup>14</sup> Na n ciga n 'yuwan n yuwaan ama suru aganda: aza a na a ri Nheleni na aza a na Nheleni n da shi, waru na aza a na a ri nu urevu na aza a na e revei ili shi.

<sup>15</sup> Ayi da i zuwai n ri no okolo n yuwaan du alajiyi a Alabari a Sa'ani atsuma a Roma.

### *Ucira wa Alabari a Sa'ani*

<sup>16</sup> Maa uwwusa wono adama a Alabari a Sa'ani a Kristi Zamawawa shi, adama a na ayi da ucira u na Asula aa yuwusaan ulinga adama u wawa za

na suru cayi okolo, o ufaru aza a Isra'ila reve a kuru na Atakpaci.

<sup>17</sup> Alabari a Sa'ani'i u to rocosu cine Asulā aa tarasa ama na ābulā† a maḳaḳan mā yi, āyi da o ure wu ucawu wo okolo diga o ufaru a tyo o ukosu. Unatā ni ili i na Adanshi a Asulā a dammai, “Āyi nda za na Asulā a tarasa za va ābulā da a maḳaḳan mā yi, u tā tsurā wuma o unā u na u cayi Asulā okolo.” ◇

*Ama suru a nusan tā*

<sup>18</sup> Asulā za na ri zuva u to rocosu cine waa uwwusa upan wa ama adama a cu'un vu nusu ni iwuya i na aa yuwusan suru. E geshe tā amayun ni iwuya i le.

<sup>19</sup> Asulā a ta casu le atsumalimā adama a na e reve tā ili i na i lobonoi na za biti ee reve a tyo e ekere a Asulā, adama a na Asulā o roco le tā ili i ndolo suru a alanga e eteshe.

<sup>20</sup> Ama aa gura ene ucira wā Asulā u na u ri babu ukotu nu ure wa akiza u majiyan mā yi shi. Diga ana Asulā a yuwain uvadī, ili i na u yuwain suru i roco tā cine āyi u ri. Adama o ndolo ama a ri nu ure u motāā shi.

<sup>21</sup> Ko na e revei Asulā, a 'yuwan ta a ca yi tsugbain ana Asulā a amayun, āvu waru a 'yuwan o godyoo yi. Ana aa yuwan ne, reve majiyan me le mo o'wo ili ye pere. Okolo o tsulo tse le tsa shiwan tā ni irumbu.

<sup>22</sup> A ta majiyan a tā nu ugbozu, reve gba o o'wo olo.

<sup>23</sup> Aa yuwusaan Asulā a tsugbain za na ri wuma babu ukotu agandā shi. O unā u ndolo, reve a uwa

◇ 1:17 Hab. 2:4; Gal. 3:11; M.Ib. 10:38.

a yuwusaan aṃali aḡanda a na a yuwain oroci a ama a na aa daṇa wuma babu ukotu shi, obolo no oroci a nnunu, ni inama, ni iyo.

24 Adama a na a yuwusain ne, reve Asula a lyawa le e eneshe. Reve a yuwan ili i na a cigai a yuwan suru, avu maluwa me iwuya me le ma zuwa le e reme mayan ma tsipere.

25 A 'yuwan ta amayun a Asula avu a usu epen. A yuwaan ta ili i na Asula a yuwain aḡanda, ana a yuwaan za na yuwan nle aḡanda. Ayi da za na aa ushishi ica babu ukotu. Ami.†

26 Adama a na ama a yuwain ili i ndolo, Asula a lyawa le ta a kuru re wono na a cigai. Amaḡi a yuwusan tsipere na amaḡi, agba ne da wu ntsayi shi.

27 Ali a ta yuwusan ne fo. A lyawa ta o vosun na amaḡi reve e reme a uwwusa maluwa ma na oo von na ali na aḡunda lon. Reve a yuwan ili i wono vāni le, ili i na i cina nle ayi da oforo adama o tsulo tsa na a yuwain.

28 Ama a yuwan ta majiyan ili ya aḡula i da shi a daṇa nu urevu wa amayun wa Asula. Dada gba Asula a lyawa nle a karai no okolo e iwuya i le, avu u lyawa le a yuwan ili i na yi ntsayi aa yuwan shi, ko ke'en.

29 A ta tapu na cu'un vu unusu ni iwuya suru. A ciga ta o bolotowo aciyele ili biti. A ta 'yuwusan ama. A ta tapu na tsushu'un. A ciga ta mona, waru a ciga ta a yuwan nlangi vāni le. A ta a mpusunlai mu ugbozu. A ta majiyan me iwuya a tyo e ekere a ama. A ta yuwusan idami.

30 A ta lungususa ama ala. A ta 'yuwusan Asula. Aa casu ko vuma tsugbain shi. A ta 'yasaṣan

avangaci. A ta cuwusa aciyele. A ta yuwusan mpolo a yuwan iwuya e re sa'avu. Aa yuwusaan mbara n le tsutoni shi.

<sup>31</sup> A ta yuwusan tsulo. A ta bulusa nzuwulai n le. O tsu roco isa'ani ko e ene iliyali yo ozo o ro shi.

<sup>32</sup> E reve ta na wilā wā Asulā u dammai aza a na aa yuwusan nden n le ne tsunda, wu ntsaa ta a kuwā. Agba ili i ndolo i putsaa le a lyawa mayan me iwuya shi. Hali a ta gbagbusa ozo o ro a yuwan ne fo.

## 2

### *Uge'etosu wā Asulā*

<sup>1</sup> U ta yuwan i danā adansa, “Kai! Icu'un ya ama a na vaa yuwusan adanshi adama e le a ta ni iwuya lon!” Adū gba fo ama a wuya a da tse le, waru i ri nu ure u motāā shi! A mantsa ma na yaa dansa ele aza e iwuya a da waru a ta tsurā atsumalimā, i to kototsu aciyādu, adama a na cu'un vi ili i na yaa yuwusan dāda ele fo aa yuwusan.

<sup>2</sup> Tsu reve ta Asulā a ta mejege a mantsa ma na wee ge'etosu ama a na aa yuwusan ili i nda.

<sup>3</sup> I te ge'etosu aza a na aa yuwusan ili i na i ri ili yi idaba, agba adu na aciyādu fo i ta yuwusan ili i na i ri ili yi idaba'a. I ta majiyan i ta gura la'a uge'etosu wā Asulā?

<sup>4</sup> I tara isa'ani† ya Asulā ili i ro shi adama a na u tsu cashi atsumalimā lo shi, avu u yuwusan ankuri nā adu. Amayun i reve ta ili i na i zuwai Asulā oo rocosu du isa'ani ayi da adama a na u ciga du ta i vadala a tyo ya'a yi.

<sup>5</sup> Agba i t̄a na aciyogbamu reve i 'yuwan a vadala ubat̄a w̄a Āsul̄a. U ta zuwa ɗu i sowo at̄sumalim̄a a na a kar̄al̄ai, o urana u na woo roco upan w̄a yī, reve u ge'eto mejege.

<sup>6</sup> U ta cuwa ko u ca vuma suru at̄sumalim̄a e ekere e ili i na u yuwain.

<sup>7</sup> Aza a na a lyuwai elime n̄a mayan me ili i sa'ani adama a na a zama tsugbain ni ica n̄a wuma u babu ukotu, Āsul̄a a ta ca le wuma'a.

<sup>8</sup> Agba u t̄a tsun upan n̄a at̄sumalim̄a a yi a aci a aza a na aa yuwusan nden adama a uwwaa aciyele uyo'o goon, aza a na waru a 'yuwusan a kurusu amayun reve e reme mayan me ili i wuya.

<sup>9</sup> Āsul̄a a ta zuwa aza a na aa yuwusan unusu kuci oo sowo at̄sumalim̄a, reve waru a uwwa m̄bal̄a. Ili i nda i ta fara na aza a Isra'ila ne'en, reve o koso na Atakpaci.

<sup>10</sup> Agba u ta ca za na aa yuwusan isa'ani biti, tsugbain, ni ica, na asuvu nden. Ili i nda i ta fara na aza a Isra'ila ne'en, āvu o koso na Atakpaci.

<sup>11</sup> Ne ɗa u ri adama a na Āsul̄a e te ge'etosu ama suru un̄at̄a.

<sup>12</sup> Āsul̄a a ta ca Atakpaci at̄sumalim̄a na a yuwan unusu, ko na e revei Wil̄a u na Āsul̄a a cayi Musa shi. Waru u ta ca aza a Isra'ila at̄sumalim̄a na a yuwan unusu, adama a na a t̄a n̄a Wil̄a.

<sup>13</sup> Āsul̄a a tsu kamb̄ato ama aza a ābula a mak̄akan̄a mā yi adama a na a uwwai ili i na Wil̄a waa dansa shi. Amma u tsu yuwan t̄a ne na aa yuwusan ili i na Wil̄a u dammai.

<sup>14</sup> Ana Atakpaci, aza a na a ri n̄a Wil̄a shi, a yuwain majiyan na aciyele a kuru ili i na Wil̄a u dammai, o roco t̄a at̄sum̄a o okolo e le e reve t̄a ili

i na i ri mejege ni ili i wuya.

<sup>15</sup> O to rocosu na Wilā u ri pe atsuma e le, adama a na okolo e le e te ge'etosu le, adama e iwuya i na aa yuwusan, ko adansa le a na a ta yuwusan ili i sa'ani.

<sup>16</sup> Ili i nda suru i ta fara o urana u na Asula ee ge'eto majiyan mo usokowu ma ama e ekere e Yesu Zamawawa. Alabari a Sa'ani a na maa yuwusan alajiya a damma ta ne.

### *Aza a Isra'ila na Wilā*

<sup>17</sup> Na avu za va Isra'ila da, vu ta zuwusa ucira a Wilā. Vu ta afalu avu vuma va Asula da langa.

<sup>18</sup> Vu reve ta ili i na u ciga nuwu vu yuwan ni ili i na waru vu revei a ri mejege, adama a na vu ritoi Wilā.

<sup>19</sup> Vu ta zuwusa avu da voo ronuso nrumba adanga waru ne ekan a aza a na a ri e irumbu.

<sup>20</sup> Vu ta zuwusa vu to roco olo ure u mejege, reve vu rito aza a na e revei ili shi. Vu ta na Wilā, adama o ndolo a da vu ri a majiyan vu reve ta ili biti waru vu reve ta amayun suru.

<sup>21</sup> Vu to ritosu ozo o ro, to, adama a nye vu ritoi aciyawu shi? Vu ta dansaa ozo o ro she e ivā wan, avu gba a yuwusan wivu.

<sup>22</sup> Vu damma unusu u da a yuwan tsipere, avu gba vu ta yuwusan ne. Vu damma u lobono a yuwaan amali aganda shi, agba vu ta tsurusa ili i na yaa uwusa wu ure u na u ri ulobonu shi a a'isa e le.

<sup>23</sup> Vu to uvaɗu a na vu ri na Wilā, † agba vu zuwa ama a tara Asula ili i ro shi ana vu 'yuwain a kuru yi.



24 Ununa Adanshi a Asulā a dammai da, “Atakpaci a ta yuwusan adanshi a vama e ekere a Asulā adama a du.” ◇

25 Na avu za va Isra'ila da, avu vu yuwan ili i na Wilā u dammai vu yuwan, na a pada wu uryumbu, ulinga we pere u da shi. Amma na vu kuru Wilā shi, unata u da u ri na a shi a pada wu uryumbu shi.

26 A tsu pada Atakpaci uryumbu shi, agba na a yuwan ili i na Wilā u dammai, Asulā a tara le ta gashi a pada le ta uryumbu.

27 Asulā e te ge'eto du aza a Isra'ila, adama a na Atakpaci na aciyele a ta kurusu Wilā'a. I ta na Wilā, waru i ushi ta mapada mo uryumbu,† agba avu i 'yuwan a kuru Wilā. A ta kurusu Wilā ko na a pada nle uryumbu shi.

28 O unā u na ama a tarai avu za va Isra'ila da, avu waru a pada wu uryumbu, ili i ndolo i kambato wu za va Isra'ila va amayun shi.

29 Ne da shi, za va Isra'ila va abulā ayi da za na okolo a yi a ri mejege na Asulā. Uryumbu wa amayun ayi da mapada mo ukwan ma lipu shi, amma ayi da uvadalasa wo okolo za na ulinga u Ruhu va Asulā da. Agba uvadalu u ndolo ulinga u Wilā u na a danai da shi. Cu'un vuma ndolo ta tsurusa ica e ekere a Asulā, agba e ekere a ama shi.

### 3

1 Ele aza a Isra'ila a ta ni ili i na akapi a ama a ri na ayi shi? Ulobonu u ne u da na a pada le uryumbu?

◇ 2:24 Isha. 52:5; Izk. 36:22.

<sup>2</sup> U tu ulobonu e re na abunda! Ure wu ufaru ayi da Asula a lyawa ta ikaka ya yi e ekere a aza a Isra'ila.

<sup>3</sup> Amayun a da ozo o ro e le a usu ikaka'a shi. Ayi ndolo ta gura putsaa a na Asula a yuwan ili i na u yuwain nzuwulai?

<sup>4</sup> Ko ke'en! Ko na ama suru oo o'wo aza e epen, Asula za va amayun da. Adanshi a Asula a yuwan ta adanshi adama a yi,

“Mantsa ma na vu yuwain adanshi suru, ama suru e te reve a na amayun a da wu.

Mantsa ma na a tara nuwu a 'yawa ubata wu uge'etosu, vu ta lyuwa aci e le.” ◇

<sup>5</sup> Ama o ro a tsu damma ta, “Na tsu yuwan unusu, u to rocosu a alanga e eteshe a na Asula a abula a da. Adama o ndolo na Asula a ca tsu atsumalima reve tsu damma u nusaan tsu ta.” (Ne da ama aa gura damma.)

<sup>6</sup> Mawasan ma nda amayun a da shi! Na amayun a da a na Asula a tsu yuwan isa'ani kuci shi, to, amayun waa gura yuwaan uvadi u nda uge'etosu shi.

<sup>7</sup> Za ro waru tsu damma ta, “Na n yuwan epen, cine tsa da Asula a damma a na amu za vu unusu u da reve u ca mu oforo, ne epen a va o roco ta ili i na u dammai amayun a da reve u ca yi tsugbain?”

<sup>8</sup> Na ne da, vu ta gura damma, “Lyawa tsu danai a yuwusan iwuya adama tsu cayi Asula tsugbain.” Ama o ro e isula tsu ta ana a dammai tsu ta yuwusan cu'un vu uritosu u ndolo. Amayun a da shi! Asula e te ge'eto le atsuma e ili i na aa yuwusan.

---

◇ 3:4 Ica 51:4.

### *Babu za va aḅula*

<sup>9</sup> To, cine tsa ḁa ḁtsu aza a Isra'ila, tsu ta tarasa tsu la'a ta akapi a ama a na a buwai? Ne ḁa u ri shi, ko ke'en! Tsu roco ta ḁe unusu† u ta guḅusa aza a Isra'ila oḅolo na Atakpaci fo.

<sup>10</sup> Adanshi a Ḃsula a damma tsu ta,  
“Babu za va aḅula.†  
Ko vuma ta.

<sup>11</sup> Babu za vu ugbozu.

Babu vuma na a zamishi Ḃsula.

<sup>12</sup> Ama a vadala ta Ḃsula ucina suru.  
Ama suru o o'wo ta ama e pere.

Babu vuma na aa yuwusan ili ya aḅula.  
Ko vuma ta babu.” ◇

<sup>13</sup> “A tsu taḁa ta nu ukwa adama a adanshi o una  
u le.

Adanshi e le a ta tapu ne epen.”

“Ili i na aa dansa a ta gashi tsukono tso yo.” ◇

<sup>14</sup> “A ta yuwusaan ama una na adanshi a na a ri  
uyo'o shi kuci.” ◇

<sup>15</sup> “Babu usan u ḁa a tsu una ama.

<sup>16</sup> Ubata u na a tyoyi suru a tsu taḁa ta nu  
ulungusu na atsumalima.

<sup>17</sup> A tsu yuwan ko ili i ta i na aa zuwa ama a yuwan  
nden n sa'ani na akapi a ama shi.” ◇

<sup>18</sup> “A uwwusa wovon wa Ḃsula shi.” ◇

<sup>19</sup> Tsu reve ta ili i na Wila dammai suru, u ta  
yuwusan adanshi a ama a na Ḃsula a cayi Wila'a.  
Ne ḁa u ri adama ama a tsura ure u motaa wan,  
waru uvadi suru u reve u ta nu unusu a makakan  
ma Ḃsula.

---

◇ **3:12** Ica 14:1-3; Ica 53:1-3. ◇ **3:13** Ica 5:9; Ica 140:3. ◇ **3:14** Ica 10:7. ◇ **3:17** Isha. 59:7-8. ◇ **3:18** Ica 36:1.

20 Ko za lo na a gura yuwan ili i na Wilā u dammai suru shi, adama o ndolo Wilā'a waa gura zuwa tsu tso o'wo aza a abula shi. Ili i na Wilā waa yuwusan ayi da u zuwa tsu tsu reve cu'un vu nusu na tsaa yuwusan.

### *Asula a kambato tsu ta aza a abula*

21 Amma gogo Asula o roco ta ure u ro ko'o a na waa tarasa ama aza a abula. Wilā'a ni idana ya Amasula a yuwan ta adanshi adama o ure u nda, amma utonishi u Wilā wa Musa u da shi.

22 Asula a ta tarasa ama aza a abula na a ushi Yesu Zamawawa za na aa za'wa nusu le. Vuma suru to o'wo za va abula e ekere a Asula o ure u nda, ko cu'un vuma ne da u ri.

23 Ama suru a yuwan ta unusu reve a gasa a tsugbain tsa Asula.

24 Amma Asula a ta tarasa le aza a abula adama e isa'ani i na u cayi une'e pere. U yuwan ta ili i ndolo e ekere e Yesu Zamawawa, za na kambato ntsu faan ana wu za'wai nusu tsu.

25-26 Asula a ca ta Yesu Zamawawa wo o'wo kucifi na a tawaa na nsalalai, o ure wu ucasu wo okolo e ekere a mpasa ma yi. Asula a yuwan ta ne adama u roco u ta mejege, ana de na acapa u yuwain ankuri, reve u sakato nusu va ama. Agba gogo u ta mejege ana waa tarasa za vu unusu na biti usuyi Yesu za va abula e ekere a yi.

27 Tsu ta ni ili i na yaa zuwa tsu tsu 'yasan avangaci adama a aciyatsu? O'o, ana Asula a usu ntsu, adama e isa'ani i na tsu yuwain da shi. Amma adama o ucawu wo okolo a tsu a da.

28 Asulā a zuwa tsu tā tso o'wo mejege na aciyayi adama a na tsu usuyi, amma adama a na tsu toniyi Wilā u ḍa shi.

29 Asulā a aza a Isra'ila a ḍa goon? O'o, ne ḍa shi! Ayi fo Asulā a Atakpaci a ḍa? Ee, ne ḍaḍa!

30 Asulā a tā a ḍa a ri lo, waru ure u tā u ḍa u ri lo a na u tsu usu ama. U tsu kambato tā ama mejege na aciyayi goon na a usu. U ḅalā ko ele aza a Isra'ila a ḍa ko ele Atakpaci a ḍa shi.

31 Gogo a na tsu ri nu ucawu wo okolo, to, tsu ta vari Wilā'a? Ko ke'en! Ucawu wo okolo u tsu zuwa tsu tā tso o'wo na amayun e ili i na Wilā u ciga ntsu tso o'wo.

## 4

### *Ucawu wo okolo a Ibrahim*

1 Nye tsaa damma a na akaya a tsu Ibrahim ritoi adama o ucawu wo okolo?

2 Na Asulā a tara yi za na ri mejege adama e ili i na u yuwain, to, u tā ḍana ni ili i na waa yuwaan afalu. Agba waa yuwan ne e ekere a Asulā shi.

3 Adanshi a Asulā a damma, “Ibrahim ca tā Asulā okolo, adama o ndolo a ḍa Asulā a kece niyi za va ḅulā.” ◇

4 Na vuma linga, a ciga a 'yuwan a tsu tsupa yi tā adama o ulinga u na u yuwain. Ikebe i ndolo une'e u ḍa shi.

5 Agba vaa zuwa Asulā a tara wu za va ḅulā† adama e ili i na vu yuwain shi. Asulā a tsu tara tā aza o unusu aza ḅulā goon adama a na a ca niyi okolo.

6 Ne ḍa fo Ḍawuda dammai ana u yuwain adanshi a maḅanga ma vuma na Asulā e kecei za va

---

◇ 4:3 Ufr. 15:6.

ḁbula, ko na wo o'woi ḁbula'a adama e ili i na vuma'a u yuwain ḁa shi:

7 “Ama a na a yuwain ili i wuya i na Ḃsula a yuwayin gafura, a ta na maḁanga ma amayun.

Ḃsula a tawa ta unusu u le.

8 Ama o ndolo a ta na maḁanga, aza a na Ḃsulazuva aa cuwusan nu unusu u le waru shi.” ◇

9 Maḁanga ma na Dawuda yuwain adanshi a yi, wo o'wo ta za va aza a na a padai uryumbu goon? O'o, ko ke'en! Wo o'wo ta za va aza a na a padai uryumbu shi fo. Adama a na tsu damma ta de ili i na Adanshi a Ḃsula a dammai, “Ibrahim ca ta Ḃsula okolo, reve gba Ḃsula e kece yi za va ḁbula.”

10 Cine tsa ḁa ili i nda i farai? Ḃsula a ushi ta Ibrahim kafu a pada yi uryumbu, ko cina a pada yi? Ḃsula a ushi yi ta kafu a pada yi uryumbu.

11 Uryumbu'u iroci i ḁa na Ibrahim cayi de okolo waru Ḃsula a ushi yi ta de reve u kece yi za va ḁbula, ko kafu a pada yi uryumbu. Adama o ndolo Ibrahim ḁa dada va aza a na a cayi okolo e le, agba a pada le uryumbu shi. O o'wo ta aza a ḁbula e ekere a Ḃsula adama o ucawu wo okolo e le.

12 Waru Ibrahim dada va aza a na a padai uryumbu ḁa fo, amma she na a ri na cu'un vu ucawu wo okolo a na Ibrahim shi na ayi kafu a pada yi uryumbu.

*Nzuwulai adama aza na a ri nu ucawu wo okolo*

13 Ḃsula a yuwaan ta Ibrahim na muwun n tsukaya ma yi nzuwulai n na waa ca le uvadi. Ḃsula a yuwan ne adama a na Ibrahim kuruyi

---

◇ 4:8 Ica 32:1-2.

Wilā shi, amma adama a na ucawu wo okolo a yi ubaṭa wā Aṣulā u zuwa ta a tara yi za va aḅulā.

<sup>14</sup> Na ama a ushi ili i na Aṣulā a yuwain nzuwulai adama e itoni i Wilā, to, ucawu wo okolo wo o'wo ta ili ye pere. Waru nzuwulai ma Aṣulā a tyo ya Ibrahim wo o'wo ta ili ye pere fo.

<sup>15</sup> Aṣulā a tsu yuwan ta upan na ama a kuḁa a kuru Wilā. Na wilā u shi lo shi, vuma shi a kuḁa wilā'a shi.

<sup>16</sup> Adama o ndolo a ta ushi nzuwulai ma Aṣulā a mantsa ma na a cayi okolo. U ta casu yi pere, waru e reve ta a ta ushi yi. Na a kuru Wilā† wa aza a Isra'ila, ko a kuḁa a kuru yi, a ta ushi yi na a ri nu ucawu wo okolo tsa Ibrahim. Adama a na Ibrahim a yi da dada va aza a na a cayi okolo suru.

<sup>17</sup> Ununa Adanshi a Aṣulā a dammai ana Aṣulā a dammai Ibrahim,† “N zuwa wu ta vo o'wo dada vi ida ya aḅunḁa.” ◇ A yuwaan ta Ibrahim nzuwulai n nda adama a na u cayi Aṣulā okolo, za na tsu 'yaṣan akwākwa a kambā wuma reve waru u yuwan ili i sa'avu yu uta atsumā e ili i na i ri lo shi.

<sup>18</sup> Ana Aṣulā a yuwayin Ibrahim nzuwulai a na u to o'wo dada vi ida ya aḅunḁa, Ibrahim usu ta. Aṣulā waru a damma ta, “Muwun n tsukaya ma wu n to o'wo aḅunḁa tse italyo'o,” ◇ ko na wo o'woi cu'un vu nzuwulai n ndolo u rotso ta gashi waa yuwan shi.

<sup>19</sup> Reve Ibrahim lyuwa elime nu ucawu wo okolo, ko na u shi na a'wan a na a rawai zuzu nu ukpaku, na a shi a putsaa yi a na wo o'wo dada. Saratu† ka va yi fo u shi ta u kutsa, agba koto u shi u matsan shi.

◇ 4:17 Ufr. 17:5. ◇ 4:18 Ufr. 15:5.

<sup>20</sup> Ibrahim zuwa ta okolo na Asula a ta gura yuwan ili i na u yuwain nzuwulai, agba u bulu shi. Ucawu wo okolo a yi u shiton yi ta nu ucira, avu u ca Asula tsugbain.

<sup>21</sup> U tara ta suru suru na Asula aa gura yuwan ili i na u yuwain nzuwulai.

<sup>22</sup> Reve gba adama o ucawu wo okolo a Ibrahim, "Asula e kece yi za va abula."†

<sup>23</sup> Ana Adanshi a Asula a dammai "Asula e kece yi ta za va abula," a dana yi adama a Ibrahim goon shi.

<sup>24</sup> A dana ta ne adama a tsu fo, adama a damma tsu na Asula ee kece tsu fo aza a abula na tsu ca Asula okolo, za na 'yasain Yesu Zagbain tsu atsuma a akwakwa.

<sup>25</sup> Asula a ca ta Yesu adama u kuwa adama o unusu u tsu, avu waru u 'yasan yi, adama Asula a usu tsu.

## 5

### *Ucawu wo okolo u tsu tawa ta na mazanga*

<sup>1</sup> Asula a usu tsu ta o ure wu ucawu wo okolo. Gogo tsu ta na asuvu nden na Asula adama e ili i na Yesu Zamawawa Zagbain tsu yuwaan ntsu.

<sup>2</sup> U yuwaan tsu ta ure adama tsu uwa atsuma e isa'ani† ya Asula adama a na tsu ushiyi Zamawawa. Tsu ta yuwusan mazanga adama a na tsu ta pe na akunda atsuma a tsugbain tsa Asula.

<sup>3</sup> Tsu ta waru na mazanga atsuma a addama, adama a na tsu reve ta ele nda a tsu tawaa ta na makaBa ma asuvu atsuma a tsu.



4 Makaḅa ma asuvu ma ḁa ma tsu lapula tsu nden, waru ulapulu wu nden n ḁaḁa u tsu tawaa nu uzuwu wo okolo.

5 Na tsu ri na cu'un vu uzuwu wo okolo o ndolo, woo rono tsu e ida shi. Ili i nda i fara ta adama a na Asula a ca ntsu Ruhu va Akiza, za na shitoyin okolo a tsu ni icigi ya yi.

6 Zamawawa kuwa ta adama a tsu mantsa ma na tsu kudai a kamba aciyatsu, ko na tsu danai aza o unusu.

7 Ili yu usan i da nanza ciga u kuwa adama u wawa nanza na aa kurusu Wila. Amma u ta gura o'wo u kuwa adama u wawa wuma wu za na a yuwusaan ozo o ro isa'ani kuci.

8 Amma Asula o roco tsu ta abajini e icigi ana u lyunguyi Zamawawa tsara u kuwa adama a tsu a mantsa ma na tsu danai aza o unusu.

9 Gogo Asula e te keceshe tsu aza a abula adama a mpasa mu Zamawawa, waru tsu reve ta u ta wawa tsu o upan wa Asula.

10 Ko na tsu danai n'yuwatan ma Asula, u kambato tsu ta n'utsa ma yi, adama a na Mawun ma yi ma kuwai adama a tsu. Gogo a na tso o'woi n'utsa ma Asula, tsu reve ta amayun a da a na waa wawa tsu e ekere a wuma u Mawun ma yi.

11 Ayi ndolo da goon shi, amma tsu yuwan ta mazanga adama e ili i na Asula a yuwain e ekere a Zagbain tsu Yesu Zamawawa, za na kambato ntsu n'utsa ma Asula.

### *Adamu na Zamawawa*

12 Unusu u uwa ta atsuma o uvadi adama e ili i na vuma ta yuwain, avu unusu'u u tawaa nu

ukwā. A<sub>y</sub>i dā i zuwai ciga 'yuwan vuma suru kuwā adama a na vuma suru yuwain unusu.

<sup>13</sup> Unusu u t<sub>ā</sub> pa a<sub>t</sub>suma o uvadī kafu A<sub>s</sub>ulā a ca Musa Wilā. A<sub>s</sub>ulā aa cuwusan nu unusu'u shi a mantsa mō ndolo, adama a na Wilā u dānā lo shi.

<sup>14</sup> Amma diga a mantsa ma Adamu† a tyo a mantsa ma Musa, suru nle a kuwā t<sub>ā</sub>, ko na koto a shi a 'yuwain a yuwan ili i na A<sub>s</sub>ulā a damma nle a yuwan shi, cine Adamu yuwain.

E re ro Adamu cu'un vu Zamawawa dā za na t<sub>ā</sub>wāi nā a<sub>c</sub>apā.

<sup>15</sup> Amma ejere'e unā<sub>t</sub>ā u dā a ri shi, adama a na une'e wā A<sub>s</sub>ulā u ri tsu unusu wa Adamu shi. Amayun a dā ama nā a<sub>b</sub>undā a kuwā t<sub>ā</sub> adama o unusu u vuma t<sub>ā</sub> ndolo. Amma isa'ani yā A<sub>s</sub>ulā i la'a t<sub>ā</sub> mgbain lon, waru ama nā a<sub>b</sub>undā a tsurā t<sub>ā</sub> une'e u wuma wā A<sub>s</sub>ulā adama e isa'ani i vuma t<sub>ā</sub>. Vuma ndolo a<sub>y</sub>i dā Yesu Zamawawa.

<sup>16</sup> Waru ili i na une'e pere wā A<sub>s</sub>ulā u t<sub>ā</sub>wāy<sub>i</sub> u tawa t<sub>ā</sub> ko'o ni ili i na unusu u vuma t<sub>ā</sub> u t<sub>ā</sub>wāy<sub>i</sub>. Ana Adamu yuwain unusu, A<sub>s</sub>ulā a tsu ge'eto t<sub>ā</sub> reve waru u ca a<sub>t</sub>sumalimā. Amma A<sub>s</sub>ulā a usu tsu t<sub>ā</sub> adama o une'e wī isa'ani u na u cayi, ko tsu yuwan unusu wā a<sub>b</sub>undā.

<sup>17</sup> Unusu u vuma t<sub>ā</sub> nda, a<sub>y</sub>i Adamu, u t<sub>ā</sub>wāā t<sub>ā</sub> nu ukwā a<sub>v</sub>u wo o'wo mogono e ekere a tsu. Amma ili i na Yesu Zamawawa yuwain la'a t<sub>ā</sub> ili i ndolo nā a<sub>b</sub>undā lon. A<sub>s</sub>ulā a t<sub>ā</sub> ni isa'ani lon e ekere a tsu, waru u usu tsu t<sub>ā</sub> adama e Yesu. Adama o ndolo tsu t<sub>ā</sub> tsurā wuma reve tsu lyuwa aci o unusu nu ukwā.

<sup>18</sup> Unusu u t<sub>ā</sub> wa Adamu u t<sub>ā</sub>wāā t<sub>ā</sub> nā a<sub>t</sub>sumalimā o ukwā a tyo a ama suru. Ne dā waru,

ili ya aḅula i ta i na Yesu Zamawawa yuwain u zuwa ta ama suru o o'wo mejege e ekere a Asula. Ayi da u tawayi na wuma wa amayun e ekere a ama suru.

<sup>19</sup> Adamu 'yuwan ta o toni Asula, ne da u zuwai ama na abunda o o'woi aza o unusu. Avu Yesu Zamawawa yuwan tsutoni na Asula, waru u ta zuwa yi u kambato ama na abunda aza a aḅula a makakan ma yi.

<sup>20</sup> Amma Asula a ca ta Wila adama ama suru e reve cine a ri nu unusu. Amma a na ama a lyuwusa elime atsuma o unusu, Asula waru a lyuwusa elime atsuma e isa'ani ya yi.

<sup>21</sup> Unusu u ta yuwusan tsugono a aci a ama suru, reve u tawaa le nu ukwa. Ne da waru gogo, isa'ani ya Asula yaa yuwusan tsugono, waru u usu tsu ta adama e Yesu Zagbain Zamawawa tsu. Ayi ili i nda i da i tawaa ntsu na wuma u babu ukotu.

## 6

### *Unusu u ri nu ucira shi*

<sup>1</sup> Tsu ta majiyan tsu lyuwai elime na mayan mo unusu† adama isa'ani† ya Asula i lyuwa elime?

<sup>2</sup> O'o, ko ke'en! E icigi yu unusu, to, atsu akwakwa a da, adama o ndolo cine tsa lyuwai elime na mayan mo unusu?

<sup>3</sup> Yi icina ta na suru ntsu tso o'woi ili i ta na Zamawawa ana a rumbu ntsu? Ana a rumbu ntsu, tsu kuwa ta cine ayi u kuwai.

<sup>4</sup> Ana a rumbu† ntsu, wo o'wo ta a cido tsu ta obolo na ayi adama a na tsu kuwa ta obolo na ayi. Dada'a u zuwa ta Zamawawa kambisa wuma e

ekere a tsugbain nu ucira wā yi. Ne dā waru, u zuwa ntsu fo tso o'woi wuma ko'o o ure u sa'avu.

<sup>5</sup> Zamawawa kuwā tā, aṣu fo gba tsu ɓoluloi tā nā aḡi o ukwā. Ne dā gba Aṣulā aa zuwa tsu tsu kambisā wuma ununa u zuwai Zamawawa kambisāi wuma.

<sup>6</sup> Tsu reve tā o una tā ama a na tsu shi nu ujimu a akpataf nā Yesu adama a na unusu u lambai ucira wā yi aṣuma a wuma u tsu. Aṣulā a yuwan tā ne adama lipu vu nusu tsu a dāshi o'wo agbashi o unusu wan.

<sup>7</sup> Ne dā u ri, mantsa ma na vuma kuwāi biti u fātsā tā e ekere o unusu, unusu u ri nu ucira a aci a yi waru shi.

<sup>8</sup> Nā tsu kuwā obolo nā Zamawawa, tsu reve tā na tsāa dānā wuma nā aḡi waru.

<sup>9</sup> A 'yaṣan tā Zamawawa aṣuma a akwākwa, agba tsu reve tā u buwa a kuwā shi. Ukwā u ri nu ucira a aci a yi gogo shi.

<sup>10</sup> Ana Zamawawa kuwāi, u kuwā tā u tā adama u lyuwa aci o unusu, agba wāa dāshi kuwā shi, ko ke'en. Gogo nda u tā nā wuma u sa'avu, waru wuma u sa'avu wā yi u to obolo nā Aṣulā.

<sup>11</sup> Ne dā waru, i tara aciyādu tsā akwākwa a tyo e ili i na i ri unusu, agba i tā wuma obolo nā Aṣulā e ekere e Yesu Zamawawa.

<sup>12</sup> Adama o ndolo she i lyawa unusu u yuwusan tsugono a aci a du pa o uvadi wan. She i kuru ili i wuya i na i cigai i yuwan wan.

<sup>13</sup> She i lyawa upasu u na aṣuma a lipu du wo o'wo ili i mayan mo unusu wan. Amma o unā u ndolo, i ca Aṣulā aciyādu suru suru adama a na i tā tsa ama a na a shi ukwā, amma aḡu Aṣulā a zuwa du yo o'wo wuma. I ca Aṣulā lipu du suru

suru adama i yuwan ili i na i ri mejege, waru reve i tawaa Asula na tsugbain.

<sup>14</sup> Unusu u buwa a yuwan tsugono a aci a du shi. Isa'ani ya Asula i da yaa yuwusan tsugono tsa du, agba Wila shi.

*Aagbashi a na aa yuwusan ili i na Asula a cigai*

<sup>15</sup> Adama o ndolo, u ta dansa tsu ta lyuwa elime nu unusu faan, ana wo o'woi isa'ani ya Asula i da yaa yuwusan tsugono a aci a tsu, agba Wila shi? Ko ke'en, ne da shi!

<sup>16</sup> I reve ta ili i na i dangwai i toni suru wo o'wo ta zagbain du. I ta gura dangwa unusu, za na tsu tawaa nu ukwa, ko i ta gura dangwa i toni Asula, avu yo o'wo aza a abula e ekere a yi.

<sup>17</sup> De aapa, agbashi o unusu a da i shi. Amma n godyo ta Asula a na i toniyi uritosu u na i usuyi i kuru mejege.

<sup>18</sup> Asula a bada du ta e ekere o ucira wu unusu, avu yo o'wo agbashi a Asula adama i yuwan ili i na i ri mejege.

<sup>19</sup> N yuwan ta adanshi ni iroci yi vadilima adama i tara ili i na maa dansa babu usan. De aapa, i lyawa ta aciyadu yo o'wo agbashi e ekere o unusu ni iwuya. Gogo gba i ciga i 'yuwan i dangwa yo o'wo agbashi e ekere a abula adama yo o'wo aza a akiza.

<sup>20</sup> De aapa, ana i shi agbashi o unusu, i shi adama e ili ya abula shi.

<sup>21</sup> Nye i da i tsurai a mantsa mo ndolo a na i yuwusain iwuya? Gogo gba i ta uwwusa wono u le. Ili i ndolo ukwa u da goon u tsu tawaa.

<sup>22</sup> Gogo nda Asulā a baḍa ḍu tā e ekere o ucira wu unusu, reve yo o'wo agbashi a yi. Gogo i ta yuwusan ili i na yā tāwusa nā nden ma akiza, reve i koso a wuma u na woo koto shi.

<sup>23</sup> Atsupu o unusu ukwā u ḍa, amma Asulā a ca tsu tā wuma u babu ukotu pere e ekere e Yesu Zamawawa Zagbain tsu.

## 7

### *Iroci ubatā u lolo*

<sup>1</sup> Ama a vā, suru ndu i reve tā Wilā wa Musa. Adama o ndolo i reve tā na Wilā u tsu yuwan tā tsugono a aci a ama ele ubuwu wuma goon.

<sup>2</sup> Iroci, nā ka olo, wilā wu nlā yi tā nā vali vā yi, nā vali'i u ri wuma. Amma nu u kuwā, wilā u lolo u buwa wunlu nā ayi shi.

<sup>3</sup> Agba nā wo olo vali ro vali vā yi ubuwu wuma, Wilā u damma u ta yuwusan tsipere. Amma nā vali vā yi kuwā u tā faan e ekere a wilā u lolo, waru u yuwan tsipere shi, ko nā wo olo vali ro.

<sup>4</sup> Ama a vā, ne ḍa u ri yā'a ḍu. Wilā u buwa o tsugono a aci a ḍu shi, adama a na i kuwā tā o ucira wā yi ana i kuwā nā Zamawawa a akpata.† Gogo gba i to obolo nā za na a 'yaṣain atsuma a akwākwa, adama tsu yuwayin Asulā aganda.

<sup>5</sup> De acapa, upasu u lipu u tsu za na ri nu unusu tsu yuwan tā tsugono tsā tsu. Wilā u zuwa tsu tā tsu ciga mayan me ili i na i ri unusu u na u yuwain tsugono tsā lipu tsu. Waru adama o ndolo, ili i na tsu yuwain biti u tawato tsu tā o ukwā.

<sup>6</sup> Agba Wilā u buwa a yuwusan tsugono tsā tsu shi. Tsu tā gashi akwākwa, waru Wilā wā tsura ucira a aci a tsu shi, ko ke'en. Gogo tsu ta gura

yuwaan Asula aganda o ure u sa'avu na Ruhu va yi o ronuso tsu adanga, agba a akuci o ure u Wila u na a danai shi.

### *Wila nu unusu*

<sup>7</sup> I ta dana a majiyan gashi n ta dansa unusu na Wila ili i ta i da. Ne da u ri shi! Amma Wila u da u zuwa numu n revei ili i na a tsu de unusu. Iroci, n shi n reve ili i na waa dansa she vuma ciga ili yi za ro shi wan, she na Wila u damma numu she n yuwan ne wan.

<sup>8</sup> Unusu u da u tsurai ure e ekere a wila u nda, da da u zuwa numu n dana na tsushu'un icu'un icu'un. Na Wila u shi lo shi, unusu u shi a tsura ucira u nda shi.

<sup>9</sup> Ko ili i shi i 6ala mu shi kafu n reve ili i na Wila u dammai u lobono ta n yuwan. Amma ana n reve niyi, n reve ta na n yuwain unusu waru za vu unusu da n shi, za na aa kuwa.

<sup>10</sup> Wila u na u shi a zuwaa mu wuma, ayi da u kambisai, u zuwaa numu ukwa.

<sup>11</sup> Unusu u tsura ta ure u na waa pusan mu ugbozu, reve u yuwan ulinga na Wila'a adama wu una mu.

<sup>12</sup> Suru na ne, Wila'a a aciyayi u ta na akiza, ili i na waru u dammai a ta na akiza na mejege.

<sup>13</sup> N ta dansa ili i na i ri ulobonu u ta zuwusaa mu ukwa? O'o, ko ke'en! Unusu u da u tarai ili i na i ri ulobonu reve u yuwan ulinga na ayi adama u tawaa mu nu ukwa. Ili i nda i fara ta adama n reve ili i na unusu u rotsoi na amayun. Ili i na i zuwai Wila u ri lo ayi da adama u roco na unusu ili i wuya i da lon.

*Mpolo adama a yuwan unusu wan*

14 Tsu reve ta Wila ili i sa'ani i da. Wila u da waa tawusaa na addama shi, amma amu da, adama a na amu vuma da goon. Adama o ndolo, unusu u ta yuwusan tsugono a aci a va gashi amu aagbashi a yi a da.

15 N reve ili i na i zuwai maa yuwusan ili i na maa yuwusan shi. N ciga ta n yuwan ili i na i ri mejege na amayun, agba maa yuwusan yi shi. O unā u ndolo, reve n reme a yuwusan ili i na n 'yuwain.

16 N reve ta na ili i na maa yuwusan mejege ma da shi, ayi nda u roco ta n usu ta Wila u tu ulobonu.

17 Adama o ndolo amu da maa yuwusan ili i wuya i nda shi. Unusu u na u ri nden atsuma a va a da a yuwusan le.

18 Upasu u wuma u va u na u ri akuci nu unusu u lyawa mu n yuwan ili i na i ri ulobonu shi, ko ke'en. Ko na n shi n ciga n yuwan ili i sa'ani, n tsu gura shi.

19 Na n ciga n yuwan isa'ani, n tsu yuwan shi. Waru na n ri o mpolo n kuda a yuwan unusu, reve gba me eneshe amu da nda a yuwusan yi.

20 Agba na maa yuwusan ili i na n cigai n yuwan shi, amu da na amayun maa yuwusan yi shi. Unusu u na u ri atsuma a va ayi da waa yuwusan yi.

21 Apa ili i na me enei a wuma u va, na n ciga n yuwan ili i sa'ani avu n cina aciyava a yuwusan iwuya.

22 Okolo a va a ta mazanga adama a wila u na wu utai ubata wa Asula.

23 Agba reve n cina ubata biti atsuma a va ili i ro a yuwusan nlangi ni ili i na okolo a va a cigai a yuwan, reve u kambato mu aagbashi o unusu u



na waa yuwusan tsugono tse ili i na maa yuwusan suru.

<sup>24</sup> Adama o ndolo, okolo a va a danu shi! Zane da o utaa mu e ekere a lipu nda na aa zuwusa mu ukwa?

<sup>25</sup> N godyo ta Asula adama e Yesu Zamawawa Zagbain tsu, ayi da za na wawa numu.

Nda cine n ri: o okolo a va, n ciga ta n kuru wila wa Asula, agba upasu u lipu va u na u cigai u yuwusan unusu, wo o'woto mu ta aagbashi o unusu.

## 8

### *Lyawa Ruhu va Akiza yuwan tsugono*

<sup>1</sup> Adama o ndolo, na adu aza e Yesu Kristi Zamawawa da, Asula ee ge'eto reve waru u kototo du shi.

<sup>2</sup> Adama a na adu aza a yi a da, Ruhu va Akiza na tsu tawaa na wuma u bada du ta yo o'wo faan e ekere o ucira wu unusu u na u tsu tawaa nu ukwa.

<sup>3</sup> Ayi Wila wa Musa u ri nu ucira u na waa wawa tsu shi, adama a na atsu na aciyatsu aza o unusu a da tsu danai. Amma Asula a yuwan ta ili i na Wila waa gura yuwan ne shi. U lyungu ta Mawun ma yi a tyo o uvadi na lipu tsa tsu, ili i na i tawai ko'o ayi da lipu tsu ta nu unusu. Asula o kototo ta ucira wu unusu u na waa yuwusan tsugono a lipu tsu, ana u ca ntsu Mawun ma yi tsa kucci adama a nusu tsu.

<sup>4</sup> A yuwan ta ne adama a tsupa suru atsupu e mejege a na wila u dammai a aci a tsu, atsu na tsoo tonon Ruhu, agba tsaa kurusu ili i na lipu cigai shi.

<sup>5</sup> Na ama a lyawa ili yu unusu i na ele a cigai a yuwan, i yuwan tsugono a aci e le, a tsu yuwusan ta majiyan mo unusu kuci. Amma aza a na a

lyawai Ruhu yuwain tsugono a aci e le, a tsu yuwusan ta majiyan me ili i na yaa zuwa Ruhu'u waa uwwa uyo'o u le.

<sup>6</sup> Ni icigi i mayan me ili i wuya ma da maa yuwusan tsugono a aci a vuma, u ta kuwa. Amma na Ruhu da a yuwusan tsugono a aci a vuma, u ta dana na wuma na asuvu nden.

<sup>7</sup> Ni icigi i mayan mo unusu ma da maa yuwusan tsugono a aci a vuma, kuci da waa yuwusan nlangi na Asula. U tsu toni ili i na Asula a dammai u yuwan shi. Amayun a da, waa gura yuwan tsundolo shi.

<sup>8</sup> Aza a na a lyawai she ili i na lipu le damma nle a yuwan da da aa yuwusan, aa zuwa Asula a uwwa uyo'o u le shi.

<sup>9</sup> Amma adu i lyawa ili yu unusu u na i cigai i lyuwa elime a yuwusan tsugono a aci a du shi. Amma Ruhu va Akiza ta pe nden atsuma a du, amayun u ta yuwusan tsugono tsu du. (Amma i cuwan za na ri na Ruhu vu Zamawawa nden atsuma a yi shi, ayi za vi Itoni da shi, ko ke'en.)

<sup>10</sup> Lipu du ta kuwa adama o unusu. Amma na Zamawawa ri nden atsuma a du, Ruhu ta ca du wuma, adama a na Zamawawa kambato du ta aza a afula e ekere a Asula.

<sup>11</sup> Ruhu va Asula na 'yasain Yesu o ukwa ta pe nden o okolo a du. Ayi na u 'yasain Yesu o ukwa u ta ca lipu du na a kuwa wuma, e ekere a Ruhu va yi na ri pe nden atsuma a du'u.

<sup>12</sup> Adama o ndolo ama a va, tsu ciga tsu 'yuwan tsu yuwain nden n na Ruhu va Asula damma ntsu tsu yuwan. Tsu ciga tsu 'yuwan tsu yuwain cine tsu cigai tsu yuwan wan, adama a na atsu na

aciyatsu aza o unusu a da.

<sup>13</sup> Ili i na i zuwai ayi da, ni i lyuwa elime na mayan mo unusu u na i cigai, i ta kuwa. Amma ni i lyawa Ruhu kamba du i lyawa mayan mo unusu, i ta tsura wuma wa amayun.

<sup>14</sup> Muwun ma amayun ma Asula ele da aza a na Ruhu va Asula o ronuso le adanga.

<sup>15</sup> Adama a na Ruhu na Asula a ca ndu u kambato du agbashi a na aa uwwa wovon shi. Amma, ayi Ruhu u kambato du ta yo o'wo muwun ma Asula, waru ayi Ruhu'u u tsu ca tsu ta ucira u na tsaa shon a tyo ubata wa Asula reve tsu damma, "Dada! Dada tsu!"

<sup>16</sup> Ruhu va Asula tsu bolo ta na ruhu tsu, reve u roco amayun na atsu muwun ma Asula n da.

<sup>17</sup> Adama o ndolo, tsu ta tsura ili i na waa guzasa adama a ama a yi. Waru ili i na Asula a cayi Mawun ma yi suru, Zamawawa, aza a tsu a da fo. Amma na tsaa tsura cu'un tsugbain tsa na Zamawawa tsurai, tsu ciga tsu 'yuwan tsu sowo atsumalima cine ayi fo u sowoi.

### *Tsugbain tsa na tsar lo a tawa*

<sup>18</sup> Na tsu cuwan na cu'un tsugbain tsa na waa ca tsu a tyo de, atsumalima a na tsoo sowuso gogo ili i da shi.

<sup>19</sup> Ili i na Asula a yuwain suru a ta pura mantsa gogo na Asula oo roco a alanga e eteshe cine muwun ma yi n ri na amayun.

<sup>20</sup> Asula a yuwaan ta ili i na u yuwain suru una. Ili i na u yuwain da a dangulai a yuwan tsundolo shi, Asula a da a dangulai ne.

<sup>21</sup> Na tsundolo suru, Asula o fofo ta a na waa zuwa ili i na u yuwain o o'wo faan, waru tsara

a shama wan, agba o to o'wo faan reve a tsura tsugbain tsa muwun ma Asula.

<sup>22</sup> Adama a na tsu reve ta diga o ufaru a tyo a mantsa mo gogo ili i na Asula a yuwain ta a manga na mbaala, cine ka va aatsuma tsu dana na aatsuma a mbaala nu u ciga u matsan.

<sup>23</sup> Ko atsu aza e Itoni tsu ta a manga adama a mbaala, ko na tsu ri na Ruhu va Akiza za na ayi da ufaru wu une'e wa Asula. Atsu fo, tsu ta pura gogo urana u na Asula aa usu tsu tsa muwun ma yi suru suru, reve u kambato lipu tsu faan suru.

<sup>24</sup> A wawa tsu ta, waru tsu ta nu uzuwu wo okolo a nda. Na tse ene ili i na tsa pura, ayi ili i ndolo i da da uzuwu wo okolo wa amayu'un shi. Ama a tsu zuwa okolo e ili i na a tsurai de shi.

<sup>25</sup> Amma na tsu ri nu uzuwu wo okolo e ili i ro i na tsu ri na ayi ne'en shi, tsu to purosus yi na ankuri.

<sup>26</sup> Waru ayi Ruhu u tsu kamba tsu ta atsu aza a na a ri babu ucira. Tsu reve cine tsa yuwan avasa a na a ntsayi shi. Amma Ruhu na aciyayi tsu yuwaan ta Asula adanshi o una u tsu, waru u tsu pati ta Asula o una u tsu na manga ma na ma la'ai ili i na vuma aa gura damma.

<sup>27</sup> Asula e tse ene ta ili i na i ri pe atsuma o ookolo a vuma. Waru u reve ta ili i na i ri pe atsuma a asuvu a Ruhu, adama a na ayi Ruhu'u u ta yuwusan adanshi na Asula o una wa ama a yi cine Asula a cigai.

<sup>28</sup> Waru tsu reve ta Asula a tsu zuwa ta ili suru i linga obolo adama o ulobonu e ekere a aza a na a ciga niyi. Ele da ama a na u dey, adama a na ne da u foboi u yuwan.

<sup>29</sup> Asulā e reve le tā kafu u yuwan uvadi, waru u dangwa le tā tsarā o o'wo tsa Mawun mā yi, adama Yesu Kristi Zamawawa wo o'wo umatsun wu ufaru reve waru u tsurā azawawa'a a ā ābunda lon.

<sup>30</sup> Ana u dangwa nle, reve u de le a tawā ubatā wā yi. Ana u de nle, reve u tara le āzā a ābulā a makakan mā yi, reve waru u yuwaan le nzuwulai n tsugbain tsā yi.

### *Icigi ya Asulā*

<sup>31</sup> Cine tsa da tsaā damma adama e ili i nda suru? Na Asulā a ri obolo nā atsu, babu za na aa gura lyuwa aci a tsu.

<sup>32</sup> U putsaa nā Mawun mā yi shi, amma u ca yi tā adama a tsu suru suru. Ana u ca ntsu de Yesu, to, amayun a da a na waa ca tsu ili suru.

<sup>33</sup> Zane da aa yuwan adanshi a vama adama a ama a na Asulā a dangwai? Ko vuma tā, adama a na Asulā a da na aciyayi za na kambato nle mejege.

<sup>34</sup> Zane da oo kototo ama a Asulā? Ko vuma tā, adama a na Yesu Kristi Zamawawa kuwai, waru a 'yasan yi tā atsuma o ukwa, gogo waru u tā wuma o ukere usa'ani wā Asulā, u ta yuwusan ipati ubatā wā Asulā adama a tsu.

<sup>35</sup> Ko ili yi lo i na yaa gura kasa tsu ni icigi yi Zamawawa za na u ri nā ayi a tyo ya'a tsu shi. Na tsu ri pe atsuma a addama, ko tsoo sowuso atsumalima, ko na ama o bongi tsu, ili i ndolo yaa kasa tsu ni icigi yi Zamawawa shi. Ko nā tsu ri ni ili i na tsaā lyuwa shi, ko nā tsu ri ni itana i na tsoo oto shi, ili i ndolo suru yaa kasa tsu in icigi yi Zamawawa shi. Ko nā tsu ri atsuma e meleshe, ko

na oo una tsu, ko ni ili i ndolo suru waa gura kasa tsu ni icigi yi Zamawawa shi.

<sup>36</sup> Ne dāda u ri cine Adanshi a Asulā a dammai cida:

“Usana suru ama a ta dansa a to una tsu adama a wu,

a ta yuwusan na atsu cine a tsu yuwan ni ikyon i na tarai a 'yawa ubata u na aa pada.” ◇

<sup>37</sup> Amma ko atumā e ili i ndolo suru, tsu ta nu ulyuwu wa aci suru suru e ekere a za na ciga ntsu!

<sup>38</sup> N reve ta amayun a da a na babu ili i na yaa gura kasa tsu ni icigi ya yi: Ukwā waa gura kasa tsu na ayi shi, waru wuma waa gura shi. Nlingata mā Asulā maa gura kasa tsu na ayi shi, ko otoni a lima. Ko ele cira va zuva† aa gura kasa tsu ni icigi ya yi shi. Ili i na yaa farasa gogo, ko ili i na yaa fara elime aa gura kasa tsu ni icigi ya yi shi.

<sup>39</sup> Ko tsu ri zuva ve eleshe, ko tsu pe zala mala, u rotso ili i ro shi, adama a na babu ili i na i ri pa atumā o uvađi u na yaa gura kasa tsu ni icigi ya Asulā i na u roco ntsu e ekere e Yesu Zamawawa Zagbain tsu.

## 9

### *Asulā na aza a Isra'ila*

<sup>1</sup> Amayun a da maa dansaa du. Amu za vu Zamawawa da agba epen a da mu shi. Ruhu va Akiza na asuvu a va a usu ta ili i na maa dansa amayun a da.

<sup>2</sup> Okolo a va a ta atsumolangu na mbala lon

<sup>3</sup> adama a ama a va, aza a Isra'ila cine n ri. Ko na Asulā aa yuwaan mu unā reve wu kasa mu na

◇ 8:36 Ica 44:22.

Zamawawa adama ko aa tsura iwawi,† she n usu ni ilafi Asula a yuwan ne.

<sup>4</sup> Ele ama a Isra'ila a da, aza a na Asula a dangwai o o'wo muwun ma yi, u roco le ta tsugbain tsa yi, reve waru u yuwusan akucunu ne ele. U ca le ta Wila wa Musa. U damma le ta cine aa yuwan aganda a amayun. U ca le ta nzuwulai ma yi e ekere e le.

<sup>5</sup> Nkaya n le ama a gbagbain a Asula a da a shi, Zamawawa a aciyayi mawun ma tsukaya me le ma da. Ayi waru Asula a da, za na aa yuwusan tsugono tse ili i biti! Ica za va yi da babu ukotu! Ami.†

<sup>6</sup> Maa dansa Asula a kuda ta a yuwan ili i na u yuwain nzuwulai na waa yuwan shi. Agba ama a Isra'ila suru da a dana ama a yi na amayun shi.

<sup>7</sup> Waru muwun n tsukaya ma Ibrahim suru n da Asula a yuwayin Ibrahim nzuwulai shi. Asula a damma ta Ibrahim, “Muwun ma Ishiyaku n da goon e de muwun n tsukaya ma wu.”

<sup>8</sup> Ayi nda u to rocosu a na muwun n tsukaya ma Ibrahim suru da muwun ma amayun ma Asula shi. Muwun ma Ibrahim ma amayun ele da aza a na o'woi muwun ma Asula adama a nzuwulai n na Asula a yuwayin Ibrahim. ◇

<sup>9</sup> Apa nzuwulai n na u yuwain: “A tyo nkoli a mantsa ma nda, n ta cina cina Saratu† matsan de ulobo.” ◇

<sup>10</sup> Mawu'un ayi da Ishiyaku† akaya a tsu. Ana u kungwai, reve u zuwa Rikatu,† za na matsain mpishe.

11-12 Agba kafu u matsan reve *Asulā* a damma yi, “Zakpara ta yuwaan zawa'a tsugbashi.” ◇ A yuwan *tā* ne kafu muwu'un n yuwan ili i sa'ani ko ili i wuya. *Asulā* a yuwan *tā* ne adama a na za na u dangwai *ayi* *da* za na u cigai adama e ifobi *ya* yi, agba adama e ili i na mawu'un u yuwain *da* shi.

13 Ununa Adanshi a *Asulā* a dammai, “N ciga *tā* Yakubu, agba n 'yuwan *tā* Isuwa.” ◇†

14 To, nye tsa damma adama e ili i nda? *Asulā* a yuwan *tā* ili i na i lobonoi shi a tyo e ekere a ama biti? Ne *da* shi, ko ke'en!

15 *Asulā* a damma *tā* Musa, “N to roco za na n dangwai biti isa'ani, waru n te ene iliyali yi za na n dangwai me ene.” ◇

16 *Asulā* o to roco za na u dangwai biti isa'ani, agba adama e ili i na vuma'a cigai waru waa yuwusan *da* shi.

17 Adanshi a *Asulā* a damma *tā*, *Asulā* a damma *tā* mogono ma Masar, “N zuwa wu *tā* mogono adama a nda: N ciga *tā* n roco ucira u *va* *ya'a* wu, adama a yuwan adanshi a ala a *va* uba*tā* biti a*tsumā* o uvadi.”

18 Adama o ndolo ye ene, *Asulā* o tsu roco *tā* ozo o ro isa'ani adama a na u cigai u yuwan ne, waru u tsu dangwa *tā* u zuwa ozo o ro o o'wo aza a aciyogbamu.

### *Isa'ani nu upan wa Asulā*

19 Nanza ta gura ece, “Cine *Asulā* a tawaa tsu, nu u zuwa tsu tsu yuwan cine u cigai tsu yuwan?”

20 She i damma ne wan! N'utsa n *va*, n te ecishe *du*, “Zane *da* yaa tarasa aciya*du* a na i ri aa



yuwusan mawasan na Asula? Upondo u tse ece ta ma'i va yi, 'Adama a nye vu ma'a numu tsunda?' ”

<sup>21</sup> Ma'i tsu ma'a ta ili i na u cigai u ma'a suru. U ta gura kene olo'o reve u ma'a mataɗa ma sa'ani adama a rana na a tsu linga na ayi langa goon, ili i ro waru gba shi adama a linga va ana'an na nfa'an.

<sup>22</sup> Ne da u ri na Asula. U ciga ta u roco upan wa yi adama ama e ene ucira wa yi a aci a za na suru wu ntsayi a lungusa yi. Amma reve wo o'wo u ta yuwusan ankuri ne ele.

<sup>23</sup> U yuwan ta ili i nda adama u roco tsugbain tsa yi lon ana we enei iliyali ya ama, aza a na u foɓoyi a ushi tsugbain tsa yi.

<sup>24</sup> A tsu da gba ama o ndolo a na Asula e deyi. U dangwa tsu ta atsuma a ama a Isra'ila, agba ayi daɗa ne goon shi, waru u dangwa tsu ta fo atsuma a Atakpaci.

<sup>25</sup> Cine Asula a dammai atsuma a aatagada a Hosiya, vumavasula:

“Aza a na a ri ama a va shi,  
Ele da mee de ama a va gogo.  
Waru n to roco icigi

a tyo ubata wa aza a na n shi n cigai shi.” ◇

<sup>26</sup> Waru

“De ubata u na Asula a damma nle,  
'Adu ama a va a da shi,'

De da Asula a wuma ee de le muwun ma yi.” ◇

<sup>27</sup> Waru apa ili i na Ishaya† vumavasula dammai adama a ama a Isra'ila:

“Ama a Isra'ila a ta abunda,  
vamma wuyun wu nge'en m mala,  
agba wa'a da aa wawa atsuma e le.

◇ 9:25 Hos. 2:23. ◇ 9:26 Hos. 1:10.

28 Asulazuva a ta jika,  
adama u ca ama o uvadi atsumalima suru suru.” ◇

29 Ishaya dammisa ta:

“Asulazuva Mogono me Ili Suru Suru  
ma lyawa ta ama o gundo tsu wa'a a dana wuma.  
Na ne da gba shi,  
a ta lungusa tsu suru suru,  
tse ilyuci yo Sodom na Gomora.” ◇†

*Aza a Isra'ila na Alabari a Sa'ani*

30 To, adama o ndolo nye tsaa damma adama e ili i ndolo? Ayi nda da: Atakpaci a yuwusan ukadu u na a zuwa aciyele aza a abula e ekere a Asula shi, amma Asula a da a zuwa nle aza a abula na aciyayi adama a na a ca ta okolo ya'a yi.

31 Ama a Isra'ila a yuwan ta ukadu o toni Wila adama o o'woto aciyele aza a abula na Asula. Agba a gura shi.

32 Adama a nye a kudai? Adama a na a ciga ta a zuwa aciyele aza a abula e ekere e ili i na aa yuwusan, amma a zami yi nu ucawu wo okolo ubata wa Asula okolo mejege shi. Reve a kara a tadatsasa a aatali a gbain a na a ri o ure u le.

33 Cine Asula a dammai atsuma a Adanshi a yi:  
“N ta zuwa aatali atsuma a Sihiyona.\*

Za na ama aa dana a tadatsasa.

U ta tsa aatali a na aa zuwa le a riyu.

Agba za na ca niyi okolo waa uwwa wono shi.” ◇

---

◇ 9:28 Isha. 10:22-23. ◇ 9:29 Isha. 1:9. \* 9:33 Sihiyona aala o ro a da a Urishelima. ◇ 9:33 Isha. 8:14; Isha. 28:16.

## 10

<sup>1</sup> Ama a va, ili i na n la'a cigai, n ciga ta aza a Isra'ila suru a tsura iwawi. Avasa a va a da ndolo e ekere a Asula.

<sup>2</sup> N reve ta a na a cigai a yuwaan Asula aganda, agba a tsura urevu

<sup>3</sup> wi ili i na i tsu zuwa Asula a ushi ama shi. O una u ndolo, reve a yuwan ukadu u na a zuwa aciyele o o'wo aza a abula e re le. Reve a 'yuwan o toni ure wa Asula u na u tsu kambato ama aza a abula.

<sup>4</sup> Zamawawa zuwa ta Wila wo o'wo babu ucira, adama o ndolo Asula a ta usu aza a na a cayi Zamawawa okolo suru.

### *Ama suru a ta gura tsura iwawi*

<sup>5</sup> Musa dana ta cine Asula a tsu zuwa ama o o'wo aza a abula adama a na oo tonon Wila. U damma ta, "Za na yuwain tsutoni ni ili i na Wila u dammai, u ta dana wuma." ◇

<sup>6</sup> Apa nda ili i na Adanshi a Asula o ritoyi cine vuma o o'wo za va abula nu ure wu ucawu wo okolo: "She vu damma aciyawu wan, 'Zane da aa 'yawa zuwa?' " (Za na a dansa, "She vu damma aciyawu wan, 'Zane da aa 'yawa zuwa avu u tara Zamawawa a cipa o uvadi?' ")

<sup>7</sup> "Waru she i damma wan, 'Zane da waru aa cipa pe ubata wa akwakwa?' " (Za na a dansa, "She i damma wan, 'Zane da aa 'yawa ubata wa akwakwa wu uta na Zamawawa?' ")

<sup>8</sup> Apa ili i na Adanshi a Asula a dammai: "Ikaka'a i ta zuzu na avu, u ta o una wa wu no o okolo a wu." Ayi da uritosu wu ucawu wo okolo u na tsa dansa.

---

◇ 10:5 N.Gn. 18:5.

<sup>9</sup> Nā vu damma a alanga e eteshe, “Yesu Zagbain da,” waru nā vu usu tā o okolo ā wu a nā Asulā a 'yasān yi tā pe o ukwā, Asulā a ta wawa wu.

<sup>10</sup> Tsu usu tā no okolo ā tsu, waru adama o ndolo a dā Asulā a kambāto ntsu mejege. Avu tsu damma a alanga e eteshe tsu usu tā, waru adama o ndolo a dā tsu tsuraī iwawi.†

<sup>11</sup> Cine Asulā a dammaī atsumā a Adanshī a yi, “Agba za na ca niyi okolo suru waa uwwa wono shi.” ◇

<sup>12</sup> Ayi nda ta yuwusan adanshi a za suru, adama a na babu ili i na i tawulai na aza a Isra'ila na Atakpaci. Zagbain tā dā ri lo vā koyan dā. Waru u tsu zuwaa tā aza a na a yuwusan avasa e ekere a yi aba'un ā abundā.

<sup>13</sup> Cine Adanshī a Asulā a dammai, “Nā za de a ala a Zagbain suru, Asulazuva a ta wawa yi.” ◇

<sup>14</sup> Cine ama aa ca Zagbain okolo hali a pati yi u wawa le, nnā koto a uwwa adā a yi shi? Waru cine a uwwa, nā za ro damma le shi?

<sup>15</sup> Waru cine aā 'yawā a damma le, nā Zagbain lyungu le shi? Adanshī a Asulā a damma tā, “Ili i māzangā i dā lon na aza a na aā tawusā na a alabari a sa'ani a rawa.” ◇

<sup>16</sup> Aza a Isra'ila suru dā a usuyi Alabari a Sa'ani'i shi. Iroci, Ishaya vumavāsulā ece tā, “Asulazuva, vuma ro usu tā dē ili i na tsu dammai?”

<sup>17</sup> Ama a uwwa tā Alabari a Sa'ani'i ana nanza damma nle adā e Yesu Zamawawa. A tsu fara tā uwwa ikaka'a, reve ā usu.

<sup>18</sup> Amma te dā aza a Isra'ila? A uwwa tā dē ikaka'a? Ee, a uwwa tā! Adanshī a Asulā a damma

◇ 10:11 Isha. 8:14; Isha. 28:16. ◇ 10:13 Juw. 2:32. ◇ 10:15 Isha. 52:7.

tā:

“A damma tā ikaka'a a tyo ubāta wa ama suru. Waru a yuwan tā adanshi a yi bāta koko'o a alanga atsuma o uvadi.” ◇

19 Amma ama a Isra'ila e reve tā ili i na waa dansa na amayun gba? Ee, e reve tā, ko a mantsa ma Musa, Asulā a damma tā,  
“N ta zuwaa ida i ro aba'un, reve i yuwan tsushu'un  
N ta zuwaa olo Atakpaci aba'un, reve yu uwwa upan.” ◇

20 Ishaya yuwan tā adanshi babu wovon a na Asulazuva a damma tā,  
“Aza a na a shi e izami i va shi, ele da aza a na a tsura numu.  
N roco tā aciyava a tyo ubāta wa aza a na a shi e ipati i na ee ene mu shi.” ◇

21 Waru Asulā a yuwan tā adanshi adama a aza a Isra'ila,  
“Urana maḅulā n tsu bubaruwa tā ekere a va adama n ushi ama a na a ri na asuvu ug-bawu waru a 'yuwain o toni.” ◇

## 11

### *Asulā a yuwaan tā aza a Isra'ila isa'ani*

1 Adama o ndolo reve me ece: Asulā a 'yuwan tā ama a yi, aza a Isra'ila? Ne da shi! Amu na aciyava za va Isra'ila da. Amu maci va Ibrahim da, waru za vu ugundo wa Banyami† u da.

2 Asulā a dangwa tā ama a Isra'ila o o'wo ama a yi de nu ujimu, waru koto u wasan le shi. I cuwan

◇ 10:18 Ica 19:4. ◇ 10:19 U.Wl. 32:21. ◇ 10:20 Isha. 65:1.

◇ 10:21 Isha. 65:2.

tā ni ili i na Adanshi a Asulā a dammai adama a nda? Iliya† vumavasulā 'yawa tā na adanshi a aci a ama a nda reve u damma,

<sup>3</sup> “Asulazuva, o una tā amasulā a wu, waru a lungusa tā musa'a ma wu. Amu da vumavasulā na buwai a nde'en, agba a ta zama o una mu fo gogo.”

◇

<sup>4</sup> Waru i cuwan tā cine Asulā a usuyi? U damma, “Avu da goon vu buwai shi. N tā na ama ukpakupa ucindere (7,000) aza a na koto a kingyowayi amali Ba'alu† shi!”

<sup>5</sup> Ne da fo u ri gogo. Ama a tā lo wa'a na Asulā a dangulai adama e isa'ani† ya yi.

<sup>6</sup> Waru nnu u dangula le, adama e isa'ani ya yi i da, agba adama e ili i ro na a yuwain da shi. Nno o to o'wo ama a Asulā adama e ili i na aa yuwusan, une'e wi isa'ani ya Asulā wo o'wo une'e wa amayun shi.

<sup>7</sup> Ayi nda u to rocosu ama a Isra'ila wa'a da, aza a na Asulā a dangwai, a tsurai ili i na aza a Isra'ila suru a ri e izami. Agba akapi e le a tā na aciyogbamu.

<sup>8</sup> Cine Adanshi a Asula† a dammai:

“Asulā a ca le tā okolo a tsutamu.

U rumbanato le tā adama e ene wan, waru u ula tā atsuvu e le adama a uwwa wan.

Ne da gba hali n gogo.”

<sup>9</sup> Waru Dawuda damma tā:

“Lyawa abuki e le e reme le atsuma a maza me le, adama a tadatsa  
reve a ushi atsumalima adama e ili i na a yuwain.

◇ 11:3 1 Ngo. 19:10; 1 Ngo. 19:14. ◇ 11:4 1 Ngo. 19:18. ◇ 11:8 U.Wl. 29:4; Isha. 29:10.

10 Lyawa esu e le a rumbaṅa adama e ene wan, zuwa le a kaḍato zaḷa vi itana yu ume u na aa cu'wan shi.” ◇

11 Adama o ndolo reve me ece: Ana aza a Isra'ila a riyai, uriyu u ndolo u lungusa le ta? Ne da shi! Adama a na a yuwain unusu, daɗa iwawi i taɗai ubata wa Atakpaci, ayi nda gba ayi da waa zuwa aza a Isra'ila a yuwan tsushu'un.

12 Na Atakpaci a ushi aba'un a abunda adama a na aza a Isra'ila a 'yuwain a mantsa ma na Asula a shi a cigai a wawa le, reve a mantsa ma na aza a Isra'ila a taɗa a ushi iwawi'i o ukosu, aba'un e le a ta la'a abunda.

### *Iwawi ya Atakpaci*

13 Gogo n ta yuwusaan du adanshi adu Atakpaci. Asula a dangwa mu ta mo o'wo aajiya a Atakpaci, waru n ta yuwusan afalu adama o ulinga u gbain u na u ca numu n yuwan.

14 N ta zama ure u na maa zuwa aza a Isra'ila a ciga ili i na adu Atakpaci i ri na ayi, tsundolo tsa da maa tsura n wawa ozo o ro e le.

15 Ana Asula a vadalayi aza a Isra'ila ucina, wo o'wo ta i'utsa ya Atakpaci. Adama o ndolo ana Asula aa yuwisan tsu'utsa na aza a Isra'ila, u ta gashi a kambato ta aakwakwa wuma.

16 Na a ca Asula mabishi ma tsuwa, to, za va yi da maɗula. Waru na a ca Asula aralu o ufanga, eten o ufanga'a suru za va yi da.

17 U ta gashi a saza ta eten o ro o ufanga u zetun. † Adu Atakpaci i ta gashi eeten e zetun a na a kungwai atsuma o ogozo a na e leɓenuyi zuwa vu ufanga u zetun. Gogo i ushi ta ili i sa'ani i na i shi

---

◇ 11:10 Ica 69:22-23.

za va aza a Isra'ila cine eeten a sa'avu o tsu sowo mini mā yi diga a aralu o udanga.

<sup>18</sup> Adama o ndolo she i yuwaan eten a na a sazai uvadu wan. Cuwain, aḍu da yaa baṅasa aralu o udanga a ndede shi. Aralu a yi a da a baṅasa du.

<sup>19</sup> U ta gura wo o'wo i yuwan majiyan a na a sazai ete'en, adama a zuwa du o unā u le u da.

<sup>20</sup> Amayun a da. A saza le ta adama a na a 'yuwain a usu, aḍu gba i buwa ta ubata'a adama a na i usuyi. She i 'yasan avangaci wan, amma yu uwwa wovon wi ili i na yaa gura fara.

<sup>21</sup> Nna Asula a saza eten o ufaru o ndolo, ne da waa gura kodo du fo.

<sup>22</sup> Adama o ndolo ye ene ta Asula a ta ni isa'ani, waru u tu usuduwu lon. U tsu ca ta aza a na a lyawai itoni ya yi atsumalima. Ni i lyuwa elime na nden cine woo roco du isa'ani, to, u ta a ri n rocosu du isa'ani ya yi. Nna gba i yuwan ne shi, u ta saza du diga o udanga'a.

<sup>23</sup> Waru na aza a Isra'ila a zuwisa okolo e le ubata wa Asula, u ta kambatowisa le ubata u na a shi. U ta nu ucira u na waa yuwan ne.

<sup>24</sup> Adu Atakpaci i ta gashi eeten o udanga u zetun† u na u kungwai atsuma ogozo u na o kodoi, reve e leḅenu yi zuva vu udanga u zetun u sa'ani. Ne da ili'i u ri shi! Amma a na wo o'woi aza a Isra'ila o ndolo a ta gashi eeten a na a kungwai o udanga u sa'ani, a ta gba e leḅenuwishe le o udanga'a babu usan.

*Asula a tsu yuwaan ta ama suru isa'ani*

<sup>25</sup> Ama a va, n ciga du ta i reve ili yu usokowu i nda, adama i reve na koto i revei ili suru shi, waru adama i 'yasan avangaci wan. Aza a Isra'ila o ro a



tā na aciyoḡbamu, agba ili i nda i ta lyuwa elime hali she nā ątyo a na Ȳsulā a zuwayi Atakpaci a na a ąangwai, ā tāwā ubāta wā Yesu Zamawawa.

<sup>26</sup> Waru ne ąa Ȳsulā aa wawa aza a Isra'ila suru. Cine Adanshi ā Ȳsulā a dammai:

“Zamawawa to utā Sihiyona,†

reve u tawa iwuya suru diga o u'wa wa Yakubu.

<sup>27</sup> N ta yuwan akucunu a nda ne ele

nā n tawa nusu le.” ◇

<sup>28</sup> Aza a Isra'ila a 'yuwan tā ā usu Alabari a Sa'ani'i, adama o ndolo o o'wo tā n'yuwatan mā Ȳsulā. Ȳyi nda wo o'wo tā ne adama u kamba ąu, ąąu na i ri Atakpaci. Agba hali n gogo aza a Isra'ila ama a ąa a na Ȳsulā a ąangwai, waru u ciga le tā adama a nzuwulai n na u yuwayin nkaya n le Ibrahim, nā Ishiyaku nā Yakubu.

<sup>29</sup> Ȳsulā a tsu vadala okolo ā yi a aci a ama a na u ąeyi ni ili i na u ca nle shi.

<sup>30</sup> De nu ufaru ąąu Atakpaci i 'yuwan tā o toni Ȳsulā. Amma a mantsa ma na aza a Isra'ila a 'yuwain o toni, reve Ȳsulā a yuwaan ąu isa'ani.

<sup>31</sup> Ne ąa waru u ri hali n gogo, aza a Isra'ila a 'yuwan tā o toni, adama o ndolo Ȳsulā a ta gura yuwaan le isa'ani cine u roco nąu isa'ani.

<sup>32</sup> Ȳsulā a ciga tā u roco isa'ani ā tyo a ama suru adama o ndolo u zuwa le tā o o'wo gashi aza a na ā ri o u'wa wa ali adama a na a 'yuwain o toni.

### *Ica ā tyo ubāta wā Ȳsulā*

<sup>33</sup> Zane ąa aa gura rito utsuru, nu ugbozu, nu urevu u na Ȳsulā ā ri nā ąyi?

Zane aa gura reve ili yo okolo ā yi?

◇ **11:27** Isha. 59:20-21; Isha. 27:9.

Zane aa gura cuḍuwa ili i na u tsu yuwan?

<sup>34</sup> Cine Adanshi a Ḃsulā a dammai,  
“Zane revei okolo a Ḃsulazuva?

Zane aa gura ca yi Ḃsālā?”

<sup>35</sup> “Za ro tā ni ili i na woo tonon Ḃsulazuva,  
i na a ciga a 'yuwan u tsupa yi?” ◇

<sup>36</sup> Ḃsulā a yuwan tā ili suru.

Ayi ḍa za na tsu zuwa ili suru i lyuwa elime.

Ili suru i tā lo adama a ca yi tsugbain.

Tsu 'yuwan tsu ciga tsu cuwa Ḃsulā babu ukotu!

Ami.

## 12

### *I ca aciyāḍu e ekere a Ḃsulā*

<sup>1</sup> Ama a va, Ḃsulā a tu ulobonu, ayi ḍa i zuwai n ri a patishi ḍu i ca aciyāḍu e ekere a Ḃsulā tsā kucci, ni i ri wuma. I ca aciyāḍu kpara-kpara i yuwaan Ḃsulā ulinga waru i yo'onoto yi okolo. Ne ḍa wu ntsayi i yuwaan Ḃsulā aganda o okolo a ḍu.

<sup>2</sup> She i lyuwa elime na mayan me ili i na ama o uvadi u nda aa yuwusan wan, amma, i lyawa Ḃsulā a ca ḍu okolo a sa'avu. Ne ḍa yee reve ili i na Ḃsulā a ciga ndu i yuwan: I te reve ili'i i tu ulobonu, ili'i waru i tsu yo'onoto yi tā okolo, na cine wu ntsayi.

<sup>3</sup> Ḃsulā o roco mu tā isa'ani, adama o ndolo n ta dansaa za suru atsuma a ḍu: She vu tara aciyawu upasu na cine vu ri wan, amma vu yuwan majiyan ulobonu waru vu kalyuwa aciyawu cine Ḃsulā a ca nuwu ucawu wo okolo.

<sup>4</sup> Tsu tā na pasu lipu abunda a lipu tā, waru pasu lipu nda suru tsu linga tā ko'o.

◇ 11:35 Isha. 40:13; Ayu. 41:11.

<sup>5</sup> Ne da fo, tsu ta abunda, agba za suru upasu u lipu vu Zamawawa u da, waru atsu fo tsu tu uboluloi ubata u ta.

<sup>6</sup> Asula a ca ta za suru atsuma a tsu une'e u na waa lingaa. Nu u ca tsu ucira u na tsaa yuwan alajiya e ikaka, tsu 'yuwan tsu ciga tsu yuwan yi nu ucawu wo okolo suru u na tsu ri na ayi.

<sup>7</sup> Nu u ca tsu ucira u na tsaa yuwain aganda, tsu yuwain aganda. Nu u ca tsu ta ucira tsu yuwain uritosu, tsu yuwain uritosu.

<sup>8</sup> Nu u ca tsu ta ucira tsu dashi ozo o ro okolo ugbamu, tsu dashi le okolo ugbamu. Na tsu ta nu une'e wu ucasu, tsu ca no okolo a ta. Na Asula a zuwa wu ta zagbain, vu kambato ugbozu vu yuwan tsugbain ulobonu. Nu u ca wu ta ucira u na vaa yuwaan ozo o ro isa'ani, vu yuwan yi na mazanga.

### *Nden mu ulobonu*

<sup>9</sup> Vu ciga ama ni icigi ya amayun. Vu 'yuwan ili i na i ri iwuya, reve vu guza ili i sa'ani.

<sup>10</sup> I cigalai cine wu ntsayi i cigalai na za va wu. I ciga i yuwunlai tsutoni gogogo.

<sup>11</sup> She yo o'wo orogo wan, amma i yuwan ulinga ne ekere e re. I ca aciyadu kpara-kpara i yuwusaan Zagbain aganda.

<sup>12</sup> I lyuwa elime na mazanga adama a na i ri nu uzuwu wo okolo. Ni i ri na addama i dana na ankuri. I yuwan avasa a mantsa suru.

<sup>13</sup> I ca ama a Asula ili i na a lambai. I ushi omocin aza e Itoni a 'wa du.

<sup>14</sup> Na ama a zuwa du atsuma a atsumalima adama a na i ri aza e Itoni, she i yuwaan le una

wan. Amma i yuwaan le avasa Asulā a zuwaa le aba'un.

<sup>15</sup> I yuwan mazāngā na aza a na a yuwusan mazāngā, waru i shon na aza a na a ri e mesun.

<sup>16</sup> I yuwan nden n sa'ani nā aza a du suru. I yuwan tsu'utsa na ama a na a ri ili i ro shi. She i 'yašan avangaci ko i tara aciyādu i ta nu ugbozu wan.

<sup>17</sup> Nā za ro nusaan du, she i tsupa yi ni iwuya wan. I yuwan ukadu i yuwan ili i na vuma suru ri e inda u ri mejege.

<sup>18</sup> I yuwan atyō a na yaa yuwan tsarā i yuwan nden mu uyo'o na ama suru.

<sup>19</sup> N'utsa n va, she i ciga i ca ozo o ro atsumalimā a na a nusaan du wan, amma i puro Asulā a ca le atsumalimā nu upan wā yi. Asulazuva damma ta atsuma a Adanshi a yi,

“N ta ca aza a na a nusain atsumalimā.  
N ta tsupa le adama e ili i na a yuwain.” ◇

<sup>20</sup> Amma i yuwan ili i na Adanshi a Asulā a dammai:

“Nā ma'yuwatan mā du mā ri na ambulu, i lyuwato yi.

Nu u ri na akuli, i ca yi mini mo oso.

Ne da waa uwwa wono wi ili i na u yuwaan ndu.”

◇

<sup>21</sup> She i lyawa iwuya i lyuwa aci a du wan, amma i lyuwa aci e iwuya nā mayan me ili i sa'ani.

## 13

### *Iyuwan tsutoni nā ngono*

<sup>1</sup> I yuwan tsutoni na ngono n na maa yuwusan tsugono a aci a du. Asula a da goon a ri nu ucira u na waa ca vuma tsugono, ayi da u zuwa nle o o'wo ngono.

<sup>2</sup> Adama o ndolo aza a na a 'yuwain o toni wila u gwamnati, Asula a da a 'yuwain o toni. Adama o ndolo o to ronoo aciyele oforo.

<sup>3</sup> Aza a na aa yuwusan isa'ani, aa dana a uwwusa wovon wu ngono shi, amma aza a na aa yuwusan iwuya, ele da aza a na aa uwwusa wovon u le. Babu ili i na yaa zuwa du yu uwwa wovon u le. I yuwan ili i sa'ani, ni i yuwan tsundolo ele a ta cuwa du.

<sup>4</sup> Mogono aagbashi a Asula a da, waru ulinga wa yi ayi da u kamba du. Amma na yaa yuwusan iwuya, reve yu uwwa wovon wa yi, adama a na u ta nu ucira u na waa ca du oforo. Ana u tsu ca aza e iwuya atsumalima, ayi aagbashi a Asula a da.

<sup>5</sup> Adama o ndolo i ciga i 'yuwan i yuwan tsutoni na azagbain a gwamnati, adama a na tsundolo tsa da yaa yuwan avu i kanzu'wa oforo, waru adama a na ili i na yi ntsayi i yuwan da ndolo.

<sup>6</sup> Ayi da i zuwai yaa tsupusa utafa. Ngono agbashi a Asula a da, waru a tsu ushi ta atsupu tsara a gura yuwan ulinga u na Asula a zuwa nle.

<sup>7</sup> I tsupa le ili i na oo tono du suru. I tsupa ko cu'un vu utafa ne da suru. I ca le tsugbain waru i yuwan tsutoni ne ele suru.

### *I ciga ama*

<sup>8</sup> She i lyawa nanza toni du ili i ro wan. Ili i ta i da goon na ni i ciga i 'yuwan i yuwan, ayi da i cigalai, adama a na vuma na cigai ama u to tonishi Wila suru.

<sup>9</sup> Wilā'a u damma tā, “She vu yuwan tsipere wan. She vu una nanza nu ucigu wā wu wan. She vi ivā wan. She vu zuwa okolo e itana yi za ro wan.” Amma wilā u tā u tā lo za na dammai unāta na aza a nda: “Vu ciga nron mu nden mā wu cine vu cigai aciyāwu.” ◇

<sup>10</sup> Nā vu ciga ama, vaa yuwaan le iwuya shi. Nā vu ri ni icigi ya ama vu to tonishi ili i na Wilā u dammai.

<sup>11</sup> Ni i ciga i 'yuwan i yuwan ili i nda adama a na i reve tā cu'un mantsa ma na tsu ri. Mantsa ma na u lobonoi i 'yon gogogo atsumā a nlavu a dā, adama a na iwawi i tsu i la'a tā zuzu nā mantsa ma na tsu fara cayi okolo.

<sup>12</sup> U yuwan tā gashi ayin a ciga tā o koto, waru usana u ciga tā matawaa. Adama o ndolo tsu lyawai a yuwusan ili i na aa yuwusan atsumā e irumbu, reve tsu tarai itana i na tsa a yuwayin uvon atsumā e ekan.

<sup>13</sup> I yuwan wuma u dū ulobonu, cine ama a tsu yuwusan nu urana. She i yuwan iwuya a mantsa mā abuki wan. She yoo o'wo ososowi wan. She i yuwan tsipere icu'un icu'un wan. She i yuwan nlangi vāni dū wan. She i yuwan tsushu'un no ozo o ro wan.

<sup>14</sup> Amma i lyawa Zagbain Yesu Zamawawa rono dū adanga a wuma u dū suru suru. Reve waru i lyawa ifobi yu ure u na yāā tsurā ili i wuya i na i cigai.

## 14

### *She i ge'eto ama wan*

◇ **13:9** Mta. 20:13-15; Mta. 20:17; N.Gn. 19:18.

<sup>1</sup> I ushi aza a na a kurusu Zagbain, ko na aza a na ucawu wo okolo u le u ri nu ucira shi da. She i yuwan mawasan ne ele adama e ili i na a tarai u na u ri ulobonu ko ulobonu shi wan.

<sup>2</sup> Iroci, nanza tara ta unusu u da shi na a lyuwa ko cu'un vi ilyalya i na a tsurai biti. Agba za na ucawu wo okolo a yi a ri nu ucira shi, u tsu tama nama na u tsurai suru shi.

<sup>3</sup> Aza a na a tsu lyuwa ko cu'un vi ilyalya i ne da a tsurai, a ciga a 'yuwan o goro aza a na a 'yuwain a tama inama wan. Waru aza a na a tamusa inama shi, a ciga a 'yuwan a tara gashi aza a na a lyuwusa ilyalya a yuwan ta unusu wan, adama a na Asula a usu ta vuma ndolo.

<sup>4</sup> U ri ulobonu i yuwaan aagbashi a vuma ro uge'etosu shi. Zavu'wa va yi da aa gura damma ko u ta yuwusan ulinga u sa'ani ko waa yuwusan ulinga u sa'ani shi. Ucira wu Zagbain u ta kamba aagbashi a yi a yuwan ili i na wu ntsayi u yuwan.

<sup>5</sup> Aza e Itoni o ro a tara ta urana u ro u la'a ta urana u ro akiza, ozo o ro gba a tara ta urana suru unata u da a ri. I yuwan majiyan me ili i na yi ntsayi na aciyadu.

<sup>6</sup> Aza a na a tarasa a na urana u ro u la'a ta urana u ro, a tsu yuwan ta ne adama a na a ciga ta a ca Zagbain tsugbain. Ne da waru aza a na a lyuwusa ilyalya icu'un icu'un a ri. O tsu godyoo ta Asula kafu a lyuwa, tsundolo tsa da aa ca Zagbain tsugbain. Aza a na waru a 'yuwain a lyuwa ili suru a tsu ciga ta a ca Zagbain tsugbain reve waru o godyoo Asula.

<sup>7</sup> Adama a aciyatsu a da tsu ri wuma goon shi, waru tsu kuwa adama a aciyatsu goon shi.

<sup>8</sup> Nā tsu ri wuma, adama a Zagbain a dā tsu ri wuma, waru nā tsu kuwā, adama a Zagbain a dā tsu kuwāi. Adama o ndolo, nā tsu ri wuma ko tsu kuwā e ekere a Zagbain a dā tsu ri.

<sup>9</sup> Ili i na i zuwai Zamawawa kuwāi reve waru u 'yon u kambā wuma āyi dā adama wo o'wo Zagbain a aci a aza a na ā ri wuma na aza a na ā ri ukwā.

<sup>10</sup> Adama o ndolo nye i zuwai yee ge'etosu aza a na ā ri oo tonoo Zagbain? Waru nye i zuwai yoo ronuso azā ā dū azā e Itoni e idā? Urana u tā lo ā tāwā a nā Asulā ee ge'eto tsu suru.

<sup>11</sup> Asulā a damma tā atsumā a Adanshi ā yi, “N kucina tā nā wuma u vā, ama suru ā tā kingyo ā makakan̄ mā vā. A alanga e eteshe a dā ama suru a damma a nā amu dā Asulā.” ◇

<sup>12</sup> Ama suru a tā cuḏuwa ili i na a yuwain ā makakan̄ mā Asulā, ni ili i na i zuwai a yuwain ne.

### *She i zuwa ama ā riyā wan*

<sup>13</sup> Tsu ciga tsu 'yuwan tsu lyawa e ge'etosulei. O unā u ndolo, i dammulai u ri ulobonu i zuwa ama ā taḏatsā avu ā riyā atsumā o unusu shi.

<sup>14</sup> Amu n tu uḅolu nā Yesu Zagbain, adama o ndolo n reve tā ilyalya suru ā tu ulobonu u na a gura lyuwa le. Nā vuma tara ili i ro i ri ulobonu shi, to, ili i ndolo unusu u dā e ekere ā yi.

<sup>15</sup> Voo rocosu icigi shi nā vu lyuwa ilyalya i na yaa zuwa za vi Itoni† ro riyā. She vu lyawa ilyalya i na vaa lyuwusa u lungusā vuma na Zamawawa kuwāi adama ā yi wan!

---

◇ 14:11 Isha. 45:23.



<sup>16</sup> She vu lyawa ili i na vu tarai u ri mejege ma da u kamba ili i na ama o ro a tarai ili yi idaba wan.

<sup>17</sup> Na vuma ro yuwan adanshi adama o tsugono tsa Asula waa yuwusan adanshi adama a wila o una wa alya e ilyalya no oso shi, amma gba u tsu yuwan ta adanshi adama a abula, na asuvu nden, na mazanga ma na Ruhu va Akiza a casu.

<sup>18</sup> Ni i yuwaan Zamawawa aganda o ure u nda, i tsu zuwa ta Asula a uwwa uyo'o waru ama a ta usu du fo.

<sup>19</sup> Adama o ndolo, tsu ciga tsu 'yuwan tsu yuwan atyo a na tsa yuwan tsu yuwan ili i na i tsu tawaa na nden ma asuvu, waru ni ili i na i tsu kambulai e isawan ugbamu.

<sup>20</sup> She i lungusa ulinga wa Asula adama e ili i na yaa lyuwusa wan. I ta gura lyuwa ilyalya suru, amma unusu u da vu zuwa nanza yuwan unusu adama e ili i na vaa lyuwusa.

<sup>21</sup> She i tama inama, ko i sowo mara, ko i yuwan ili i ro wan, na wo o'wo i yuwan tsundolo u ta zuwa aza e Itoni o ro a riya.

<sup>22</sup> Atsuma e ili i na vaa yuwusan avu da na Asula a wu. Ama a tsu yuwan ta mazanga ne e reve ili i na a yuwusan mejege ma da, babu malala adama a yi.

<sup>23</sup> Amma na a ri a malala atsuma e ili i na aa lyuwusa, Asula o kototo le ta na a lyuwa yi, adama a na e reve ta mejege ma da shi. Ni i yuwan ili i na i revei mejege ma da shi, i ta yuwusan unusu.

## 15

*Vu yuwan ili i na vaa uwwa uyo'o goon wan*

<sup>1</sup> Atsu na tsu ri nu ucawu wo okolo o ucira, tsu yuwain ankuri na aza e Itoni yi Zagbain aza a na ucawu wo okolo e le a ri nu ucira shi. She tsu cigai tsu zuwa aciyatsu na tsaa uwwai uyo'o goon wan.

<sup>2</sup> Tsu yuwain ili i na yaa zuwa le a uwwa uyo'o, reve waru tsu yuwain ili i na yaa kamba le.

<sup>3</sup> Ko Zamawawa yuwan adama u zuwa aciyyai wu uwwa uyo'o shi. Amma cine Adanshi a Asula a dammai, "Ama a na e isulusa wu amu da fo e isulusa." ◇

<sup>4</sup> Ili i na a danai suru atsuma a Adanshi a Asula a dana le ta adama o rito tsu. Adanshi a Asula a ca tsu ta makaba ma asuvu, reve waru u ca tsu okolo ugbamu, adama tsu dana nu uzuwu wo okolo.

<sup>5</sup> Asula a da za na tsu zuwa tsu tsu kaba asuvu, reve waru u ca tsu okolo ugbamu. N ta yuwusan avasa Asula a kamba du adama i yuwan nden n sa'ani na ama, atsuma e itoni yi Zamawawa.

<sup>6</sup> Ne da suru ndu yoo boluloi dyo du i yuwaan Asula ica reve waru i casu yi tsugbain, za na ayi da Dada va Yesu Kristi Zagbain tsu.

### *Alabari a Sa'ani adama a aza a Isra'ila na Atakpaci*

<sup>7</sup> Zamawawa usu du ta, adama o ndolo adu fo i usulai. Ne da Asula aa tsura tsugbain.

<sup>8</sup> N damma du ta Zamawawa yuwan ta aganda a tyo e ekere a aza a Isra'ila adama u roco nzuwulai ma abunda n na Asula a yuwayin nkaya n le amayun a da.

<sup>9</sup> Waru u tawa ta tsara Atakpaci a ca Asula ica adama e isa'ani i na u roco nle. Ununa Adanshi a Asula a dammai:

---

◇ **15:3** Ica 69:9.

“N ta cuwa wu e memere ma Atakpaci.  
N ta cana ica a tyo a aala a wu.” ◇

<sup>10</sup> Adan̄shi a Āsulā a dammisa ta:  
“Zangan̄ai, ādu Atakpaci,  
ōbolo na ama a yi, aza a Isra'ila.” ◇

<sup>11</sup> Waru Adan̄shi a Āsulā a damma ta:  
“Cuwai Āsulazuva, suru ndu Atakpaci.  
Cuwa niyi, ama o uvadi suru.” ◇

<sup>12</sup> Reve vumavāsulā Ishaya damma,  
“Nanza o u'wa u Mogono Dawuda† u ta tāwa,  
u ta yuwan tsugono a aci a Atakpaci,  
waru a ta zuwa okolo e le e ekere a yi.” ◇

<sup>13</sup> N ta yuwusan avasa a tyo a Āsulā, za na tsu  
ca uzuwu wo okolo, u shiton du na māzanga ma  
amayun na asuvu nden, a mant̄sa ma na i cayi  
okolo a du e ekere a yi. Ne da uzuwu wo okolo a  
du waa lyuwa elime o ucira u Ruhu va Akiza.

*Bulu yuwan ta adan̄shi adama o ulinga wa yi*

<sup>14</sup> Ama a va, n reve ta i ta tapu ni isa'ani. N reve  
ta waru i ta nu urevu u na wu ntsayi i dana na ayi,  
waru n reve ta i tsu gura ta ritoloi.

<sup>15</sup> Amma n danaa du ta a alanga eteshe adama e  
ili i na n ciga ndu i cuwan. N yuwan ta ne adama a  
na Āsulā a yuwaan mu ta isa'ani,

<sup>16</sup> waru u ca mu ta ulinga u na moo o'wo aag-  
bashi e Yesu Zamawawa a tyo ubata wa Atakpaci.  
N ta yuwusaan Āsulā tsugbashi ana mo ritosu  
Alabari a Sa'ani a yi. N dana ta ana ganu† adama  
Atakpaci o o'wo kucci na Āsulā aa ushi, kucci na  
Ruhu va Akiza kambātoi akiza.

◇ 15:9 Ica 18:49. ◇ 15:10 U.Wl. 32:43. ◇ 15:11 Ica 117:1.

◇ 15:12 Isha. 11:1.

<sup>17</sup> Adama o ndolo, n ta yuwusan maṙaṙa adama e ili i na n yuwain adama a Ḃsula aṙsuma e Yesu Zamawawa.

<sup>18</sup> Maa yuwan adanshi adama e ili i ro shi, she ili i na Zamawawa yuwain e ekere a va, ana n zuwai Atakpaci a yuwan tsutoni na Ḃsula. A yuwan ta tsutoni na aṙi adama e ili i na n dammai ni ili i na n yuwain.

<sup>19</sup> Waru o toni ta Ḃsula adama o ucira wa abajini o ulinga wa asalama† u na e enei, na waru adama o ucira u Ruhu va Akiza. N yuwan ta alajiya a Alabari a Sa'ani aṙsuma a Urishelima hali a tyo alanga a Iliriku, adama o ndolo n koto ta de alajiya ubata suru.

<sup>20</sup> N ciga ta n yuwan alajiya a Alabari a Sa'ani kuci ubata u na ama o ro koto a uwwai adama a Zamawawa shi, adama a na n ciga n yuwusan ulinga o ulinga u na nanza farai shi.

<sup>21</sup> U ta cine Adanshi a Ḃsula a dammai:  
 “Aza a na koto a damma nle adama a yi shi e te ene, waru aza a na koto a uwwai adama a yi shi, a ta tsura urevu.” ◇

### *Bulu ciga ta u bura Roma*

<sup>22</sup> Ulinga u nda u da u shi u putsusaa numu a ta wa ya'a du me ene du.

<sup>23</sup> Gogo gba n koto ta ulinga u na maa yuwusan bata nda. N shi ta n ciga n 'yawa ubata u du nu ujimu.

<sup>24</sup> N te ifobi n 'yawa Asibaniya, na ma kara, n ta batsa Roma.† N reve ta n ta uwwa uyo'o na m batsa me ene du, reve i kamba mu n reme ure.

25 Amma kafu me ene ɗu, n ciga n 'yuwan n 'yawa ne'en Urishelima tsara n tara une'e a tyo aza e Itoni a na a ri de.

26 A'isa a aza e Itoni a na a ri Makidoniya na Akataya a ca ta ikebe faan adama a kamba alambi a na a ri pe atsuma a aza e Itoni a Urishelima.

27 A uwwa ta uyo'o u na aa yuwaan le ne, adama a na une'e'e wo o'wo ta she damma atsupu o utan. O ufaru, Atakpaci a ushi ta isa'ani e ekere a Asula adama a aba'un atsuma a ruhu e ekere a aza a Isra'ila. Dafa gba e enei u lobono ta a kamba le ni ili i na a ri na ayi.

28 Na n koto a casu ikebe i nda, n ta kalyuwa du, reve n kara a tyo Asibaniya.

29 N reve ta na n rawa ubata u du, Zamawawa ta ca mu abajini aba'un adama a du.

30 Ama a va, n ta patishi du ankuri atsuma a ala e Yesu Zamawawa Zagbain tsu, i bolo ekere na amu atsuma o ulinga a yuwusan avasa a tyo ubata wa Asula adama a va. I yuwan ili i nda adama e icigi i na i ri na ayi a tyo e ekere a va na Ruhu va Akiza ca ndu.

31 I yuwan avasa adama a ama a na a ri e ida ya Yahuda aza a na koto a ushiyi Yesu Zamawawa shi, tsara a uwwato mu usan wan. Waru i yuwan avasa adama a aza e Itoni atsuma a Urishelima a yuwan mazanga ni ili i na n yuwain adama n kamba le.

32 Na Asula a usu, n ta tawa ya'a du na mazanga, waru ukalyuwusa u va a tyo ya'a du u ta zuwa mu mu uwwa uyo'o reve n tsura wivuwun.

33 Gogo lyawa Asula, za na tsu ca asuvu nden, u dana obolo na adu suru. Ami.

# 16

## *Bulu ɕaɕa ta n'utsa ma yi*

<sup>1</sup> N ta ni ili i sa'ani i na maa damma adama a Fibi, ka na a yuwusan aganda atsuma a aa'isa a aza e Itoni a Kankiriya.

<sup>2</sup> N ta patishi du ankuri i ushi yi atsuma a Zagbain o ure u sa'ani u na ama a Asula aa tsu yuwan. I kamba yi atsuma o ure u na yaa gura suru, adama a na u kamba mu ta na ama a abunda fo.

<sup>3</sup> I ɕaɕa Birisika na Akila, ◇ aza a na a yuwain ulinga obolo na amu atsuma a tsugbashi tsa Yesu Zamawawa.

<sup>4</sup> A usu ta a kuwa adama a kamba mu. N godyoo le ta lon, waru amu a nde'en shi a'isa a aza e Itoni a Atakpaci suru o godyoo le ta.

<sup>5</sup> Waru, i ɕaɕa mu aa'isa a aza e Itoni a na o tsu bolotosu atsuma o u'wa u le.

Waru i ɕaɕa mu i'utsa ya amayun i va Abayinitu. Ayi da vuma na fara o'woi za vi Itoni e ida ya Asiya.

<sup>6</sup> I ɕaɕa mu Meri, za na yuwaan du ulinga wa abula lon.

<sup>7</sup> I ɕaɕa mu ama a va, Andranika na Juniya, aza a na a danai atsuma o u'wa wa ali obolo na amu. O o'wo ta aza e Itoni kafu amu, waru ajiya a ta casu le tsugbain.

<sup>8</sup> I ɕaɕa mu Amfiliya, ayi i'utsa ya amayun i va i da atsuma e itoni yi Zagbain.

<sup>9</sup> I ɕaɕa mu Uribanu, za na yuwayin Zamawawa aganda obolo na atsu.

I ɕaɕa mu i'utsa ya amayun i va Isitaki.

---

◇ 16:3 Aji. 18:2.

<sup>10</sup> I caṣaa mu Abali, za na rocoi amayun a ḁa u toniyi Zamawawa.

I caṣaa mu Aristobulu na ama o u'wa a yi.

<sup>11</sup> I caṣaa mu Hiruduyan, moron mā vā.

Waru i caṣaa mu Nakisu na aza a na a ri atsuma o u'wa wā yi, aza a na a ri aza e Itoni yi Zagbain.

<sup>12</sup> I caṣaa mu Tarafina na Tarafusa, amaci a na a yuwain ulinga u sa'ani adama a Zagbain.

I caṣaa mu nawayi va amayun vā Barisisa, ka ro na yuwain ulinga u sa'ani adama a Zagbain.

<sup>13</sup> I caṣaa mu Rufo, za na ri aagbashi a sa'ani adama a Zagbain. Waru i caṣa mma vā yi, za na o'woi gashi mma vā.

<sup>14</sup> I caṣaa mu Asinkirita, na Filiguna, na Hamisa, na Batureoba, na Hema, obolo na aza e Itoni a na a ri obolo ne ele.

<sup>15</sup> I caṣaa mu Fililugu, na Juliya, na Niriyu, na mawun mā anawu mo usheli mā yi, na Ulumfa, obolo na ama a Asula a na a ri obolo ne ele.

<sup>16</sup> I caṣalāi ni icigi yi Zamawawa.

A'isa a aza e Itoni a Zamawawa suru a ta caṣasa ḁu.

### *Morono ma atsuvu mo ukosu*

<sup>17</sup> Ama a vā, i kambuwa ugbozu u ḁu ulobonu adama a aza a na aa tawaa nu une'esun nu u'yasaṣan wa asuvu e ekere o ucawu wo okolo wa ama, reve o rito ili i ro ko'o ni ili i na i tsurāi. I suma le!

<sup>18</sup> Aza a na a yuwusan ne a yuwusaan Zamawawa Zagbain tsu aganda shi, amma a ta yuwusan ili i na aa uwwaa aciyele uyo'o. A tsu yuwusan ta ica ye pere, reve a luma ama a na e

revei cu'un morono ma adanshi me iwuya ma nda shi.

<sup>19</sup> Aza e Itoni suru a uwwa ta a na yaa yuwusan tsutoni e ekere a Zagbain, adama o ndolo n ta yuwusan mazanga adama a du. Amma n ciga du ta i kambuwa ugbozu atsuma e ili i na i ri ili i sa'ani, amma gba i suma iwuya.

<sup>20</sup> Asula a na gba a tsu tawaa na asuvu nden, aa jima shi u ta minjira Male reve u ca du ucira a aci a yi.

N ta yuwusan avasa isa'ani ya Yesu Zagbain tsu danu obolo na adu.

<sup>21</sup> Timoti za na a yuwusan ulinga obolo na amu, u ta lyungusaa du ni icasu ya yi. Waru ama a va fo, Lusiya, na Yason, na Susibatara a ta casasa du.

<sup>22</sup> Amu da Tatiyu, n ta danasa ili i na Bulu dammai n dana. Amu fo n ta casasa du atsuma a Zagbain.

<sup>23</sup> Gayu ta casasa du. U ushi mu ta obolo na aa'isa a aza e Itoni suru atsuma o u'wa wa yi.

Arasata, za vu uzuwa wi ikebe a lyuci gbain, ni i'utsa i tsu Kawata a ta casasa du fo.

<sup>24</sup> N ta yuwusan avasa Zagbain tsu Yesu Zamawawa u roco du isa'ani suru. Ami.\*

### *Avasa e ica*

<sup>25</sup> Tsu cayi Asula tsugbain! U tsu zuwa du ta yi isawan nu ucira atsuma o ucawu wo okolo a du, cine Alabari a Sa'ani a dammai. Ikaka i da adama e Yesu Zamawawa ni ifobi i na u sokoi nu ujimu.

<sup>26</sup> Amma gogo idana ya amasula a zuwa le ta e reve amayun a alanga e eteshe. Waru Asula, a

---

\* **16:24** Akuci a atagada o ro a ri nu uguzu u nda shi.



na a tsu kuwa shi, a zuwa ta uvadi maɓula e reve amayun a nda, tsara a usu waru aa yuwan tsutoni na ayi.

<sup>27</sup> Lyawa Asula, za na ayi da goon u ri nu ugbozu, u ushi tsugbain o ure wa Yesu Zamawawa babu ukotu. Ami.

**Nzuwulai n Sa'avu na Tsishingini na adiva a  
na a dangulai a Nzuwulai mu Ufaru  
New Testament in Tsishingini (NI:tsw:Tsishingini)**

copyright © 2011 Wycliffe Bible Translators, Inc.

Language: Tsishingini

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsishingini

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

bb185c63-dc44-572c-ae93-66252c4dfa1e